

182. No. 898.4.

চিত্র।




শ্রীরবীন্দ্রনাথ ঠাকুর।

13/10

মূল্য ১৯০ টাকা।

[1898]



RARE BOOK

V



কলিকাতা

আদি ব্রাহ্মসমাজ যন্ত্রে

শ্রীকালিদাস চক্রবর্তী দ্বারা মুদ্রিত ও

প্রকাশিত।

কলিকতা, ১৩০২।

৫নং অপার চিৎপুর রোড।



সূচীপত্র।

বিষয়	পৃষ্ঠা।
✓ চিত্রা	১
স্থ	৩
জ্যোৎস্না রাত্রে	৬
প্রেমের অভিষেক	১০
সন্ধ্যা	১৪
✓এবার ফিরাও মোরে...	১৭
মৃত্যুর পরে	২৪
অন্তর্যামী	৩৮
সাধনা	৫০
ব্রাহ্মণ	৫৪
পুরাতন ভূতা	৫৯
ছই বিঘা জমি	৬৫
শীতে ও বসন্তে	৬৯
নগর-সংগীত	৭৯
✓পূর্ণিমা	৮৬
আবেদন	৮৮
✓উর্ধ্বশী	৯৫

বিষয়	পৃষ্ঠা ।
স্বর্গ হইতে বিদায়	৯৯
দিনশেষে	১০৬
সাহসনা	১০৮
শেষ উপহার	১১৩
বিজয়িনী	১১৫
গৃহ-শত্রু	১২২
মরীচিকা	১২৪
উৎসব	১২৫
প্রস্তর মূর্তি	১২৯
নারীর দান	১৩০
জীবন দেবতা	১৩১
রাত্রে ও প্রভাতে	১৩৪
১৪৪০ শাল	১৩৭
নীরব তন্ত্রী	১৩৯
ছুরাকাজ্জা	১৪১
প্রোঢ়	১৪২
খুলি	১৪৩
সিদ্ধু পারি	১৪৪

চিত্রা ।



চিত্রা ।

জগতের মাঝে কত বিচিত্র তুমি হে
তুমি বিচিত্র রূপিণী !
অমৃত আলোকে বলসিঁছ নীল গগনে,
আকুল পুলকে উলসিঁছ ফুল-কাননে,
হ্যালোকে ভুলোকে বলসিঁছ চল-চরণে,
তুমি চঞ্চল-গামিনী ।
মুখর নুপুর বাজিছে স্রুদ্র আকাশে,
অলকগন্ধ উড়িছে মন্দ বাতাসে,
মধুর নৃত্যে নিখিল চিত্তে বিকাশে
কত মঞ্জুল রাগিণী ।
কত না বর্ণে কত না স্বর্ণে গঠিত,
কত যে ছন্দে কত সঙ্গীতে রচিত,
কত না গ্রন্থে কত না কণ্ঠে পঠিত,
তব অসংখ্য কাহিনী !

জগতের মাঝে কত বিচিত্র তুমি হে
তুমি বিচিত্র রূপিণী !

অস্তর মাঝে শুধু তুমি একা একাকী
তুমি অস্তর ব্যাপিনী !

একটি স্বপ্ন মুগ্ধ সজল নয়নে,
একটি পদ্ম হৃদয় বৃন্ত-শয়নে,
একটি চন্দ্র অসীম হৃদয়-গগনে,

চারিদিকে চির-বামিনী ।

অকূল শাস্তি, সেথায় বিপুল বিরতি,
একটি ভক্ত করিছে নিত্য আরতি,
নাহি কাল দেশ, তুমি অনিমেষ মুরতি,
তুমি অচপল দামিনী ।

ধীর গম্ভীর গভীর মৌন-মহিমা,
স্বচ্ছ অতল স্নিগ্ধ নয়ন-নীলিমা,
স্থির হাসিখানি উষালোক সম অসীমা,
অগ্নি প্রশান্ত হাসিনী !

অস্তর মাঝে তুমি শুধু একা একাকী
তুমি অস্তরবাসিনী ।

১৮ই অগ্রহায়ণ,
১৩০২ ।

সুখ ।

আজি মেঘমুক্ত দিন ; প্রসন্ন আকাশ
 হাসিছে বক্সর মত ; স্রমন বাতাস
 মুখে চক্ষে বক্ষে আসি লাগিছে মধুর,—
 অদৃশ্য অঞ্চল যেন স্রুপ্ত দিগধ্বর
 উড়িয়া পড়িছে গায়ে ; ভেসে যায় তরী
 প্রশান্ত পদ্মার স্থির বক্ষের উপরি
 তরল কল্লোলে ; অর্দ্ধমগ্ন বালুচর
 দূরে আছে পড়ি', যেন দীর্ঘ জলচর
 রোদ্র পোহাইছে ; ভাঙ্গা উচ্চতীর ;
 ঘনচ্ছায়াপূর্ণ তরু ; প্রচ্ছন্ন কুটার ;
 বক্র শীর্ণ পথখানি দূর গ্রাম হতে
 শস্যক্ষেত্র পার হয়ে নামিয়াছে স্রোতে
 ত্বর্ধ্ব জিহবার মত ; গ্রামবধুগণ
 অঞ্চল ভাসায়ে জলে আকণ্ঠ-মগন
 করিছে কোতুকালাপ ; উচ্চ মিষ্ট হাসি
 জলকলস্বরে মিশি' পশিতেছে আসি'
 কর্ণে মোর ; বসি এক বাঁধা নৌকা পারি'
 বৃদ্ধ জেলে গাঁধে জাল নতশির করি'

রোদ্রে পিঠ দিয়া ; উলঙ্গ বালক তার
 আনন্দে ঝাঁপিয়ে জলে পড়ে বারম্বার
 কলহাস্যে ; ধৈর্যময়ী মাতার মতন
 পদ্মা সহিতেছে তার স্নেহজ্বালাতন ।
 তরী হতে সম্মুখেতে দেখি ছুই পার ;
 স্বচ্ছতম নীলাভের নির্মল বিস্তার ;
 মধ্যাহ্ন-আলোকপ্রাবে জলে স্থলে বনে
 বিচিত্র বর্ণের রেখা ; আতপ্ত পবনে
 তীর-উপবন হতে কভু আসে বহি'
 আশ্রমুকুলের গন্ধ, কভু রহি' রহি'
 বিহঙ্গের শ্রান্ত স্বর ।

আজি বহিতেছে

প্রাণে মোর শান্তিধারা ; মনে হইতেছে
 সুখ অতি সহজ সরল, কাননের
 প্রাফুট ফুলের মত, শিশু-আননের
 হাসির মতন, — পারিবাণ্ড, বিকশিত ;
 উদ্ভূথ অধরে ধরি' চুষন-অমৃত
 চেয়ে আছে সকলের পানে, বাকাহীন
 শৈশব-বিশ্বাশে, চিররাত্রি চিরদিন ।
 বিশ্ব-বীণা হতে উঠি' গানের মতন

সুখ ।

রেখেছে নিমগ্ন করি নিখর গগন ;
সে সঙ্গীত কি ছন্দে গাঁথিব ; কি করিয়া
গুনাইব, কি সহজ ভাষায় ধরিয়া
দিব তারে উপহার ভালবাসি যারে,
রেখে দিব ফুটাইয়া কি হাসি আকারে
নয়ন অধরে, কি প্রেমে জীবনে তারে
করিব বিকাশ ? সহজ আনন্দখানি
কেমনে সহজে তারে তুলে যবে আনি
প্রফুল্ল সরস ?—কঠিন আগ্রহভরে
ধরি তারে প্রাণপণে,—মুষ্টির ভিতরে
চুটি যায় ;—হেরি তারে তীব্রগতি ধাই,—
অন্ধবেগে বহুদূরে লজ্জি' চলি' যাই
আর তার না পাই উদ্দেশ ।

চারিদিকে

দেখে' আজি পূর্ণপ্রাণে মুগ্ধ অনিমিখে
এই শুক নীলাশ্বর স্থির শান্ত জল,
মনে হল সুখ অতি সহজ সরল !

১৩ই চৈত্র,

১২৯৯ ।

জ্যোৎস্না রাত্রে ।

শান্ত কর শান্ত কর এ ক্ষুধা হৃদয়
 হে নিস্তরু পূর্ণিমা যামিনী ! অতিশয়
 উদ্ভাস্ত বাসনা বক্ষে করিছে আঘাত
 বারম্বার, তুমি এস স্নিগ্ধ অশ্রুপাত
 দক্ষ বেদনার পরে । শুভ্র স্নকোমল
 মোহভরা নিদ্রাভরা কর-পদ্মদল,
 আমার সর্বাঙ্গে মনে দাও বুলাইয়া
 বিভাবরী, সর্ব ব্যথা দাও ভুলাইয়া ।

বহু দিন পরে আজি দক্ষিণ বাতাস
 প্রথম বহিছে । মুগ্ধ হৃদয় হ্রাশ
 তোমার চরণপ্রান্তে রাখি তপ্ত শির
 নিঃশব্দে ফেলিতে চাহে রুদ্ধ অশ্রুণীর
 হে মোন রজনী ! পাণ্ডুর অম্বর হতে
 ধীরে ধীরে এস নামি' লঘু জ্যোৎস্নাস্রোতে
 মৃৎ হাস্যে নতনেত্রে দাঁড়াও আসিয়া
 নির্জল শিরতলে । বেড়াক্ ভাসিয়া
 রজনীগন্ধার গন্ধ মন্দির লহরী,

সমীর-হিল্লোলে ; স্বপ্নে বাজুক বাঁশরী
 চন্দ্রলোক প্রাস্ত হতে ; তোমার অঞ্চল
 বায়ুভরে উড়ে এসে পুলকচঞ্চল
 করুক আমার তনু ; অধীর মর্মরে
 শিহরি উঠুক বন ; মাথায় উপরে
 চকোর ডাকিয়া যাক দূরশ্রুত তান ;
 সম্মুখে পড়িয়া থাক তটান্ত-শয়ান
 —সুপ্ত নটিনীর মত—নিস্তরু তটিনী
 স্বপ্নালসা !

হের আজি নিদ্রিতা মেদিনী
 ঘরে ঘরে রুদ্ধ-বাতায়ন । আমি একা
 আছি জেগে, তুমি একাকিনী দেহ দেখা
 এই বিশ্বসুপ্তি মাঝে ! অসীম সুন্দর
 ত্রিলোকনন্দনমূর্তি ! আমি যে কাতর
 অনন্ত তুষায়, আমি নিত্য নিদ্রাহীন,
 সদা উৎকণ্ঠিত, আমি চিররাত্রিদিন
 আনিতেছি অর্ঘ্যভার অন্তর-মন্দিরে
 অজ্ঞাত দেবতা লাগি,—বাসনার তীরে
 একা বসে গড়িতেছি কত যে প্রতিমা
 আপন হৃদয় ভেঙ্গে, নাহি তার সীমা !

আজি যোরে কর দয়া, এস তুমি, অন্নি,
 অপার রহস্য তব হে রহস্যময়ী,
 খুলে ফেল,—আজি ছিন্ন করে ফেল ওই
 চিরস্থির আচ্ছাদন অনন্ত অম্বর !
 মহামোন অসৌমতা নিশ্চল সাগর,
 তারি মাঝখান হতে উঠে এস ধীরে
 তরুণী লক্ষ্মীর মত হৃদয়ের তীরে
 আঁধির সম্মুখে ! সমস্ত প্রহরগুলি
 ছিন্ন পুষ্পদল সম পড়ে যাক্ খুলি
 তব চারিদিকে,—বিদীর্ণ নিশীথখানি
 থসে যাক্ নীচে ! বন্ধ হতে লহ টানি’
 অঞ্চল তোমার, দাও অব্যাহত করি’
 শুভ্র ভাল, আঁধি হতে লহ অপসরি’
 উন্মুক্ত অলক ! কোন মর্ত্য দেখে নাই
 যে দিব্য মূর্তি, আমারে দেখাও তাই
 এ বিশুদ্ধ রজনীতে নিস্তরু বিরলে !
 উৎসুক উন্মুখ চিত্ত চরণের তলে
 চকিতে পরশ কর ;—একটি চূষন
 ললাটে রাখিয়া যাও—একান্ত নির্জন

সন্ধ্যার তারার মত ; আলিঙ্গন-স্মৃতি
অঙ্গে তরঙ্গিয়া দাও, অনন্তের গীতি
বাজিয়ে শিরার তন্ত্রে ! ফাঁটুক্ হৃদয়
ভূমানন্দে—ব্যাণ্ড হয়ে যাক শূন্যময়
গানের তানের মত ! একরাত্রি তরে
হে অমরী, অমর করিয়া দাও মোরে !

তোমাদের বাসরকুঞ্জের বহির্দ্বারে
বসে আছি,—কানে আসিতেছে বায়ে বায়ে
সুহৃদমন্ডল কথা, বাজিতেছে সুমধুর
রিনিঝিনি কল্লুবুহু সোনার নুপুর,—
কার কেশপাশ হতে খসি' পুষ্পদল
পড়িছে আমার বক্ষে, করিছে চঞ্চল
চেতনা প্রবাহ ! কোথায় গাহিছে গান !
তোমরা কাহারো মিলি করিতেছ পান
কিরণ কনকপাত্রে অগন্ধি অমৃত,—
মাথায় জড়িয়ে মালা পূর্ণ-বিকশিত
পারিজাত ;—গন্ধ তারি আসিছে ভাসিয়া
মনে সমীরণে,—উন্মাদ করিছে হিয়া
অপূর্ব বিরহে ! খোল দ্বার, খোল দ্বার !

তোমাদের মাঝে মোরে লহ একবার
 সৌন্দর্য্য সভায় ! নন্দনবনের মাঝে
 নির্জন মন্দিরখানি,—সেখায় বিরাজে
 একটি কুসুমশয্যা, রত্ন দীপালোকে
 একাকিনী বসি আছে নিদ্রাহীন চোখে
 বিষসোহাগিনী লক্ষ্মী, জ্যোতির্ময়ী বালা ;
 আমি কবি তারি তরে আনিয়াছি মালা !
 ৬ মাঘ,
 ১৩০০ সাল ।

প্রেমের অভিষেক ।

তুমি মোরে করেছ সত্ৰাট্ ! তুমি মোরে
 পরায়েছ গৌরব-মুকুট ! পুষ্পডোরে
 সাজিয়েছ কণ্ঠ মোর ; তব রাজটীকা
 দীপিছে ললাটমাঝে মহিমার শিখা
 অহর্নিশ ! আমার সকল দৈন্য লাজ,
 আমার কুদ্রতা যত, ঢাকিয়াছ আজ
 তব রাজ-আস্তরণে ! হৃদিশযাতল
 শুভ্র হৃৎকেননিভ, কোমল শীতল,

তারি মাঝে বসায়ের ; সমস্ত জগৎ
 বাহিরে দাঁড়ায় আছে, নাহি পায় পথ
 সে অন্তর-অন্তঃপুরে ! নিভৃত সভায়
 আমারে চৌদিকে ঘিরি সদা গান গান
 বিশ্বের কবির। মিলি ; অমরবীণায়
 উঠিয়াছে কি ঝঙ্কার ! নিত্য শুনা যায়
 দূর দূবাস্তর হতে দেশবিদেশের
 ভাষা, যুগযুগান্তের কথা, দিবসের
 নিশীথের গান, মিলনের বিরহের
 গাথা, তৃপ্তিহীন শ্রান্তিহীন আগ্রহের
 উৎকণ্ঠিত তান !—

প্রেমের অমরাবতী,

প্রদোষ-আলোকে যেথা দময়ন্তী সতী
 বিচরে নলের সনে, দীর্ঘ-নিঃশ্বাসিত
 অরণ্যের বিবাদ-মর্ম্মরে ; বিকশিত
 পুষ্পবীথিতলে, শকুন্তলা আছে বসি
 কর-পদ্মতল-লীন স্নান মুখশর্চি
 ধ্যানরতা ; পুরুষবা ফিরে অহরহ
 বনে বনে, গীতস্বরে হৃঃসহ বিরহ
 বিস্তারিয়া বিশ্বমাঝে ; মহারণ্যে যেথা,

বীণা হস্তে লয়ে, তপস্বিনী মহাশ্বেতা
 মহেশ-মন্দিরতলে বসি একাকিনী
 অন্তরবেদনা দিবে গড়িছে রাগিনী
 সান্তনা-সিক্ত ; গিরিতটে শিলাতলে
 কানে কানে প্রেমবার্তা কহিবার ছলে
 সুভদ্রার লজ্জাক্রণ কুসুমকপোত্ত
 চুষিছে ফাঙ্কণী ; ভিখারী শিবের কোল
 সদা আগলিয়া আছে প্রিয় পাৰ্ব্বতীয়ে
 অনন্ত ব্যগ্রতাপাশে ; সুখদুঃখনীয়ে
 বহে অশ্রু-মন্ডাকিনী, মিনতির স্বরে
 কুসুমিত বনানীয়ে স্নানমুখী করে
 করুণায় ; বাঁশরীর ব্যথাপূর্ণ তান
 কুঞ্জে কুঞ্জে তরুচ্ছায়ে করিছে সন্ধান
 হৃদয়সাথীয়ে ;—হাত ধরে' মোরে তুমি
 লয়ে গেছ সৌন্দর্যের সে নন্দনভূমি
 অমৃত-আলয়ে ! সেথা আমি জ্যোতিয়ান্
 অক্ষয় যৌবনময় দেবতাসমান,
 সেথা মোর লাবণ্যের নাহি পরিসীমা,
 সেথা মোরে অর্পিয়াছে আপন মহিমা
 নিখিল প্রণয়ী ; সেথা মোর সভাসদ

রবিচন্দ্রতারা, পরি' নব পরিচ্ছদ
 গুনায় আমারে তারা নব নব গান
 নব অর্থভরা ; চির-সুহৃৎসমান
 সর্ব চরাচর ! হেথা আমি কেহ নহি,
 সহশ্রের মাঝে একজন,—সদা বহি
 সংসারের ক্ষুদ্র তার,—কত অমুগ্রহ
 কত অবহেলা সহিতেছি অহরহ ;
 সেই শত সহশ্রের পরিচয়হীন
 প্রবাহ হইতে, এই তুচ্ছ কৰ্ম্মাধীন
 মোরে তুমি লয়েছ তুলিয়া, নাহি জানি
 কি কারণে ! অগ্নি মহীয়সী মহারাণী
 তুমি মোরে করিয়াছ মহীয়ান ! আজি
 এই যে আমারে ঠেলি চলে জনরাজি
 না তাকায় মোর মুখে, তাহারা কি জানে
 নিশিদিন তোমার সোহাগ সুধাপানে
 অঙ্গ মোর হয়েছে অমর ? তাহারা কি
 পায় দেখিবারে—নিত্য মোরে আছে ঢাকি
 তব অভিনব লাবণ্য বসনে ?
 তব স্পর্শ তব প্রেম রেখেছি যতনে,
 তব সুধাকণ্ঠবাণী, তোমার চুসন,

তোমার আঁখির দৃষ্টি, সর্ব দেহ মন
 পূর্ণ করি ; রেখেছে যেমন স্খা কর
 দেবতার গুপ্ত স্খা যুগ যুগান্তর
 আপনারে স্খাপাত্র করি ; বিধাতার
 পুণ্য অগ্নি জালায়ে রেখেছে অনিবার
 সবিতা যেমন সবতনে ; কমল
 চরণ কিরণে যথা পরিয়াছে হার
 স্নানির্মল গগনের অনন্ত ললাট !
 হে মহিমাময়ী মোরে করেছ সম্রাট !

১৪ মাঘ,

১৩০০ সাল।

সন্ধ্যা।

ক্ষান্ত হও, ধীরে কও কথা ! ওরে মন,
 নত কর শির ! দিবা হল সমাপন,
 সন্ধ্যা আসে শান্তিময়ী। তিমিরের তীরে
 অসংখ্য-প্রদীপ-জালা' এ বিশ্বমন্ডিরে
 এল আরতির বেলা। ওই স্তন বাজে
 নিঃশব্দ গভীর মন্ড্রে অনন্তের মাঝে

শঙ্খাঘণ্টাধ্বনি । ধীরে নামাইয়া আন'
 বিদ্রোহের উচ্চ কণ্ঠ পুরবীর ব্লান-
 মন্দ স্বরে । রাখ রাখ অভিযোগ তব,—
 মৌন কর বাসনার নিত্য নব নব
 নিষ্ফল বিলাপ ! হের, মৌন নভস্তল,
 ছায়াচ্ছন্ন মৌন বন, মৌন জলস্থল
 স্তম্ভিত বিবাদে নম্র ! নির্ঝাক্ নীরব
 দাঁড়াইয়া সন্ধ্যাসতী,—নয়ন পল্লব
 নত হয়ে ঢাকে তার নয়ন যুগল,—
 অনন্ত আকাশপূর্ণ অশ্রু ছলছল
 করিয়া গোপন । বিবাদের মহাশাস্তি
 ক্রান্ত ভুবনের ভালে করিছে একান্তে
 সাস্বনা পরশ । আজি এই শুভক্ষণে,
 শাস্ত মনে, সন্ধি কর অনন্তের সনে
 সন্ধ্যার আলোকে ! বিন্দু দুই অশ্রুজলে
 দাও উপহার—অসীমের পদতলে
 জীবনের স্থিতি ! অন্তরের যত কথা
 শাস্ত হয়ে গিয়ে—মর্মান্তিক নীরবতা
 করুক বিস্তার !

হের ক্ষুদ্র নদীতীরে

স্বপ্নপ্রায় গ্রাম । পক্ষীরা গিয়েছে নীড়ে,
 শিশুরা খেলে না ; শূন্য মাঠ জনহীন ;
 ঘরে-ফেরা শ্রান্ত গাভী শুটি ছুই তিন
 কুটার অঙ্গনে বাঁধা, ছবির মতন
 স্তব্ধপ্রায় । গৃহকার্য্য হল সমাপন,—
 কে ওই গ্রামের বধু ধরি বেড়াখানি
 সম্মুখে দেখিছে চাহি, ভাবিছে কি জানি
 ধূসর সন্ধ্যায় ।

অমনি নিস্তব্ধ প্রাণে
 বহুক্ষরা, দিবসের কৰ্ম্ম অবসানে,
 দিনান্তের বেড়াটি ধরিয়, আছে চাহি
 দিগন্তের পানে ; ধীরে যেতেছে প্রবাহি
 সম্মুখে আলোকস্রোত অনন্ত অঙ্গরে
 নিঃশব্দ চরণে ; আকাশের দূরান্তরে
 একে একে অন্ধকারে হতেছে বাহির
 একেকটি দীপ্ততার, সূদূর পল্লীর
 প্রদীপের মত ! ধীরে যেন উঠে ভেসে
 স্নানচ্ছবি ধরণীর নয়ন-নিমেঘে
 কত যুগযুগান্তের অতীত আভাস,
 কত জীব-জীবনের জীর্ণ ইতিহাস ।

যেন মনে পড়ে সেই বাণ্য নীহারিকা,
তার পরে প্রজ্জ্বলন্ত যৌবনের শিখা,
তার পরে ব্লিঙ্কশ্যাম অন্নপূর্ণালঙ্কারে
জীবধাত্রী জননীর কাজ, বক্ষে লয়ে
লক্ষ কোটি জীব—কত হুঃখ, কত ক্লেশ,
কত যুদ্ধ, কত মৃত্যু, নাহি তার শেষ !

ক্রমে ঘনতর হয়ে নামে অন্ধকার,
ম্লানতর নীরবতা,—বিষ-পরিবার
সুপ্ত নিশ্চেতন । - নিঃসঙ্গিনী ধরণীর
বিশাল অন্তর হতে উঠে সুগভীর
একটি ব্যথিত প্রশ্ন—ক্লিষ্ট ক্লান্ত সুর
শূন্যপানে—“আরো কোথা ?” “আরো কত দূর ?”
২ ফাস্কন,
১৩০০ সাল ।

এবার ফিরাও মোরে !

সংসারে সবাই যবে সারাক্ষণ শত কণ্ঠে রক্ত,
তুই শুধু ছিন্নবাধা পলাতক বাগকের মত

মধ্যাহ্নে মাঠের মাঝে একাকী বিষন্ন তরুছায়ে
 দূর-বনগন্ধবহ মন্দগতি ক্লাস্ত তপ্তবায়ে
 সারাদিন বাজাইলি বাঁশি !—ওরে তুই ওঠ আজি !
 আগুন লেগেছে কোথা ? কার শব্দ উঠিয়াছে বাজি
 জাগাতে জগৎ-জনে ? কোথা হতে ধনিছে ক্রন্দনে
 শূন্যতল ? কোন্ অন্ধকারা মাঝে জর্জর বন্ধনে
 অনাথিনী মাগিছে সহায় ? স্নীতকায় অপমান
 অক্ষমের বন্ধ হতে রক্ত শুষি করিতেছে পান
 লক্ষ্মুখ দিয়া ! বেদনারে করিতেছে পরিহাস
 স্বার্থোদ্ধত অবিচার ! সঙ্কচিত ভীত ক্রীতদাস
 লুকাইছে ছদ্মবেশে ! ওই যে দাঁড়ায়ে নতশির
 মুক সব,—মানমুখে লেখা শুধু শত শতাব্দীর
 বেদনার করুণ কাহিনী ; স্বপ্নে যত চাপে ভার—
 বহি চলে মন্দগতি, যতরুণ থাকে প্রাণ তার,—
 তার পরে সন্তানেরে দিয়ে যায় বংশ বংশ ধরি' ;
 নাহি ভৎসে অদৃষ্টেরে, নাহি নিন্দে দেবতারে স্মরি,
 মানবেরে নাহি দেয় দোষ, নাহি জানে অভিমান,
 শুধু দুটি অঙ্গ খুঁটি কোন মতে কষ্টক্লিষ্ট প্রাণ
 রেখে দেয় বাঁচাইয়া ! সে অঙ্গ যখন কেহ কাড়ে,
 সে প্রাণে আঘাত দেয় গর্ভাঙ্ক নির্ভুর অত্যাচারে,

নাহি জানেকার দ্বারে দাঁড়াইবে বিচারের আশে,
 দরিদ্রের ভগবানে বারেক ডাকিয়া দীর্ঘশ্বাসে
 মরে সে নীরবে ! এই সব মূঢ় মান মূক মুখে
 দিতে হবে ভাষা, এই সব শ্রান্ত গুরু ভগ্ন বৃকে
 ধ্বনিয়া তুলিতে হবে আশা ; ডাকিয়া বলিতে হবে—
 মুহূর্ত্ত তুলিয়া শির একত্র দাঁড়াও দেখি সবে ?
 যার ভয়ে তুমি ভীত, সে অস্ত্রায় ভীকু তোমা চেরে,
 যখন জাগিবে তুমি তখন সে পলাইবে ধৈর্যে ;
 যখন দাঁড়াবে তুমি সম্মুখে তাহার,—তখন সে
 পথ-কুকুরের মত সঙ্কোচে সত্রাসে যাবে মিশে ;
 দেবতা বিমুখ তারে, কেহ নাহি সহায় তাহার,
 মুখে করে আক্ষাণন, জানে সে হীনতা আপনার
 মনে মনে !—

কবি, তবে উঠে এস,—যদি থাকে প্রাণ
 তবে তাই লহ সাথে,—তবে তাই কর আজি দান !
 বড় হুঃখ, বড় ব্যথা,—সম্মুখেতে কষ্টের সংসার
 বড়ই দরিদ্র, শূন্য, বড় ক্ষুদ্র, বদ্ধ অন্ধকার !—
 অন্ন চাই, প্রাণ চাই, আলো চাই, চাই স্কন্ধ বায়ু,
 চাই বল, চাই স্বাস্থ্য, আনন্দ-উজ্জল পরমায়ু,

সাহসবিস্তৃত বক্ষপট ! এ দৈত্য-মাকারে, কবি,
একবার নিয়ে এস স্বর্গ হতে বিশ্বাসের ছবি !

এবার ফিরাও মোরে, লয়ে যাও সংসারের তীরে
হে কলনে, রঙ্গময়ি ! দুলালো না সমীরে সমীরে
তরঙ্গে তরঙ্গে আর ! ভূলায়ে না মোহিনী মায়ার !
বিভিন্ন বিষাদঘন অন্তরের নিকুঞ্জচ্ছায়ায়
রেখে না বসিয়ে আর ! দিন যার, সন্ধ্যা হয়ে আসে !
অন্ধকারে ঢাকে দিশি, নিরাশ্বাস উদাস বাতাসে
নিঃশ্বসিয়া কেঁদে ওঠে বন ! বাহিরিহু হেথা হতে
উন্মুক্ত অশ্রুতলে, ধূসরপ্রসর রাজপথে,
জনতার মাঝখানে ! কোথা যাও, পাস্থ, কোথা যাও,
আমি নহি পরিচিত, মোর পানে ফিরিয়া তাকাও !
বল মোরে নাম তব, আমারে কোরো না অবিশ্বাস !
সৃষ্টিছাড়া সৃষ্টিমাঝে বহুকাল করিয়াছি বাস
সঙ্গীহীন রাত্রিদিন ; তাই মোর অপরূপ বেশ,
আচার নূতনতর ; তাই মোর চক্ষে স্বপ্নাবেশ,
বক্ষে জলে ক্ষুধানল !—যে দিন জগতে চলে আসি,
কোন্ মা আমারে দিলি শুধু এই খেলাবার বাঁশি !
বাজাতে বাজাতে তাই মুগ্ধ হয়ে আপনার সুরে

Imp 4041 di- 4/09/07

দীর্ঘ দিন দীর্ঘ রাত্রি চলে গেছে একান্ত স্নদরে
ছাড়িয়ে সংসারসীমা !—সে বাঁশিতে শিখেছি যে স্বর
তাহারি উল্লাসে যদি গীতশূন্য অবসাদপুর
ধ্বনিয়া তুলিতে পারি, মৃত্যুঞ্জয়ী আশার সঙ্গীতে
কর্মহীন জীবনের একপ্রান্ত পারি তরঙ্গিতে
শুধু মুহূর্তের তরে, দুঃখ যদি পায় তার ভাষা,
সুপ্তি হতে জেগে ওঠে অন্তরের গভীর পিপাসা
স্বর্গের অমৃত লাগি,—তবে ধন্য হবে মোর গান,
শত শত অসন্তোষ মহাগীতে লভিবে নিকীর্ণ ।

কি গাহিবে, কি শুনাবে !—বল, মিথ্যা আপনার সুখ,
মিথ্যা আপনার দুঃখ ! স্বার্থমগ্ন যে জন বিষুথ
বৃহৎ অগত হতে, পে কখনো শেষে নি বাঁচিতে !
মহা বিশ্বজীবনের তরঙ্গেতে নাচিতে নাচিতে
নির্ভয়ে ছুটিতে হবে, সত্যের করিয়া প্রবতারা !
মৃত্যুরে করি না শঙ্কা ! হৃদ্বিনের অশ্রুজলধারা
মন্তকে পড়িবে ঝরি—তারি মাঝে যাব অভিসারে
তার কাছে,—জীবনসর্বস্বধন অর্পিরাছি যারে
জন্ম জন্ম ধরি ! কে সে ? জানি না কে ! চিনি নাই তারে—
শুধু এইটুকু জানি—তারি লাগি রাত্রি-অন্ধকারে

চলেছে মানবযাত্রী যুগ হতে যুগান্তর পানে
 ঝড়ঝঞ্ঝা বজ্রপাতে, জ্বালায়ে ধরিয়া সাবধানে
 অন্তর প্রদীপধানি ! শুধু জানি—যে শুনেছে কানে
 তাহার আহ্বানগীত—ছুটেছে সে নির্ভীক পরাণে
 সঙ্কট আবর্তমাঝে, দিয়েছে সে বিশ্ব বিসর্জন,
 নির্যাতন লয়েছে সে বন্ধ পাতি ; মৃত্যুর গর্জন
 শুনেছে সে সঙ্গীতের মত ! দহিয়াছে অগ্নি তারে,
 বিদ্ধ করিয়াছে শূল, ছিন্ন তারে করেছে কুঠারে,
 সর্ব প্রিয়বস্তু তার অকাতরে করিয়া ইন্ধন
 চিরজন্ম তারি লাগি জ্বলেছে সে হোম-হতাশন ;—
 হৃৎপিণ্ড করিয়া ছিন্ন রক্তপদ্ম অর্ঘ্য উপহারে
 ভক্তিভরে জন্মশোধ শেষ পূজা পূজিয়াছে তারে
 মরণে কৃতার্থ করি প্রাণ ! শুনিয়াছি, তারি লাগি
 রাজপুত্র পরিয়াছে ছিন্ন কস্থা, বিষয়ে বিরাগী
 পথের ভিক্ষুক ! মহাপ্রাণ লহিয়াছে পলে পলে
 সংসারের ক্ষুদ্র উৎপীড়ন, বিধিয়াছে পদতলে
 প্রত্যাহের কুশাক্ষুব, করিয়াছে তারে অবিখ্যাস
 মৃঢ় বিজ্ঞ জ্ঞানে, প্রিয়জন করিয়াছে পরিহাস
 অতিপরিচিত অবজ্রায়, গেছে সে করিয়া ক্ষমা
 নীরবে করুণনেত্রে—অস্তরে বহিয়া নিকপমা

সৌন্দর্য্যপ্রতিমা ! তারি পদে, মানী সঁপিয়াছে মান,
 ধনী সঁপিয়াছে ধন, বীর সঁপিয়াছে আত্মপ্রাণ,
 তাহারি উদ্দেশে কবি বিরচিয়া লক্ষ লক্ষ গান
 ছড়াইছে দেশে দেশে !— শুধু জানি তাহারি মহান
 গম্ভীর মঙ্গলধ্বনি শুনা যায় সমুদ্রে সমীরে,
 তাহারি অঞ্চলপ্রান্ত লুটাইছে নীলাশ্বর ঘিরে,
 তারি বিশ্ববিজয়িনী পরিপূর্ণা প্রেমমূর্ত্তিখানি
 বিকাশে পরমক্ষণে প্রিয়জনমুখে ! শুধু জানি
 সে বিশ্বপ্রিয়ার প্রেমে ক্ষুদ্রতারে দিয়া বলিদান
 বর্জিতে হইবে দূবে জীবনের সর্ব্ব অসম্মান,
 সম্মুখে দাঁড়াতে হবে উন্নতমস্তক উচুে তুলি
 যে মস্তকে ভয় লেখে নাই লেখা, দাসত্বের ধূলি
 আঁকে নাই কলঙ্ক-তিলক ! তাহারে অস্তবে রাখি
 জীবনকণ্টকপথে যেতে হবে নীরবে একাকী,
 স্মৃতে হৃৎতে ধৈর্য্য ধরি, বিরলে মুছিয়া অশ্রু-আঁধি,
 প্রতিদিবসের কন্ঠে প্রতিদিন নিরলস থাকি
 স্মৃথী করি সর্ব্বজনে ! তার পরে দীর্ঘ পথশেষে
 জীবযাত্রা অবসানে ক্লান্তপদে রক্তসিক্ত বেশে
 উত্তরিব একদিন শ্রান্তিহরা শান্তির উদ্দেশে
 হৃৎখহীন নিকেতনে ! প্রসন্নবদনে মন্দ হেসে

পরাবে মহিমালক্ষী ভক্তকণ্ঠে বরমালাখানি,
 করপদ্ম পরশনে শাস্ত হবে সৰ্ব্ব দুঃখ মানি
 সৰ্ব্ব অমঙ্গল ! লুটাইয়া রক্তিম চরণতলে
 ধোত করি দ্বিধ পদ আজন্মের রক্ত অশ্রুজলে ।
 সূচিরসঞ্চিত আশা সম্মুখে করিয়া উদঘাটন
 জীবনের অক্ষমতা কাঁদিয়া করিব নিবেদন,
 মাগিব অনন্তক্ষমা ! হয় ত ঘুচিবে দুঃখনিশা,
 তৃপ্ত হবে এক প্রেমে জীবনের সৰ্ব্বপ্রেমভূষা !
 ২৩ ফাল্গুন,
 ১৩০০ সাল।

মৃত্যুর পরে ।

আজিকে হয়েছে শান্তি
 জীবনের ভুলভ্রান্তি
 সব গেছে চূকে !
 রাত্রিদিন ধুন্ধুন্ধু
 তরঙ্গিত দুঃখ স্রুথ
 থামিয়াছে বুকে !

মৃত্যুর পরে ।

২৫

যত কিছু ভালমন্দ,
যত কিছু দ্বিধাদ্বন্দ্ব
কিছু আর নাই !
বল শান্তি, বল শান্তি,
দেহসাথে সব ক্লান্তি
হয়ে যাক্ ছাই !

গুঞ্জরি' করুণ তান
ধীরে ধীরে কর গান
বসিয়া শিয়রে !
যদি কোথা থাকে লেশ ' '
জীবন-স্বপ্নের শেষ
তাও যাক্ মরে !
তুলিয়া অঞ্চলখানি
মুখ পরে দাও টানি,
ঢেকে দাও দেহ !
করুণ মরণ যথা
চাকিয়াছে সব ব্যথা,
সকল সন্দেহ !

বিশ্বের আলোক যত
 দিগ্বিদিকে অবিরত
 যাইতেছে বয়ে',
 শুধু ওই আঁখি পরে
 নামে তাহা স্নেহভরে
 অন্ধকার হয়ে ।
 জগতের তন্ত্রীরাঞ্জি
 দিনে উচ্ছে উঠে বাজি
 রাত্রে চুপে চুপে,
 সে শব্দ তাহার পরে
 চুষনের মত পড়ে
 নীরবতা রূপে !

মিছে আনিয়াছ আজি
 বসন্ত কুসুমরাজি
 দিতে উপহার !
 নীরবে আকুল চোখে
 ফেলিতেছ বৃথা শোকে
 নয়নাশ্রুধার !

মৃত্যুর পরে ।

২৭

ছিলে যারা রোষভরে
বুখা এত দিন পরে
করিছ মার্জনা !
অসীম নিস্তরু দেশে
চিররাত্রি পেয়েছে সে
অনন্ত সাস্বনা !

গিয়েছে কি আছে বসে,
জাগিল কি ঘুমাল সে
কে দিবে উত্তর ?
পৃথিবীর শান্তি তারে
তাজিল কি একেবারে, .
জীবনের জর ?
এখনি কি হুঃখ স্মৃথ
কর্মপথ অভিমুখে
চলেছে আবার ?
অস্তিত্বের চক্রতলে
একবার বাঁধা পলে
পায় কি নিস্তার ?

বসিয়া আপন দ্বারে
 ভালমন্দ বল তারে
 যাহা ইচ্ছা তাই !
 অনন্ত জনম মাঝে
 গেছে সে অনন্ত কাজে,
 সে আর সে নাই !
 আর পরিচিত মুখে
 তোমাদের হুখে স্মুখে
 আসিবে না ফিরে,
 তবে তার কণা থাক্,
 যে গেছে সে চলে যাক্
 বিস্মৃতির তীরে !

জানিনা কিসের তরে
 যে যাহার কাজ করে
 সংসারে আসিয়া,
 ভাল মন্দ শেষ করি
 যায় জীর্ণ জন্মতরী
 কোথায় ভাসিয়া !

মৃত্যুর পরে ।

২৯

দিয়ে যায় যত বাহা
রাখ তাহা ফেল তাহা
যা ইচ্ছা তোমার !
সে ত নহে বেচা-কেনা,
ফিরিবে না ফেরাবে না
জন্ম-উপহার !

কেন এই আনা গোনা,
কেন মিছে দেখাশোনা
হৃদিনের তরে ;
কেন বুকভরা আশা,
কেন এত ভালবাসা
অন্তরে অন্তরে ;
আয়ু যার এতটুকু,
এত হুঃখ এত স্মৃথ
কেন তার মাঝে ;
অকস্মাৎ এ সংসারে
কে বাঁধিয়া দিল তারে
শত লক্ষ কাজে ;

হেথায় যে অসম্পূর্ণ,
 সহস্র আঘাতে চূর্ণ
 বিদীর্ণ বিরক্ত
 কোথাও কি একবার
 সম্পূর্ণতা আছে তার
 জীবিত কি মৃত ;
 জীবনে যা প্রতিদিন
 ছিল মিথ্যা অর্থহীন
 ছিন্ন ছড়াছড়ি
 মৃত্যু কি ভরিয়া সাজি
 তারে গাঁথিয়াছে আজি
 অর্থ পূর্ণ করি ;

হেথা যারে মনে হয়
 শুধু বিফলতাময়
 অনিত্য চঞ্চল
 সেথায় কি চুপে চুপে
 অপূর্ণ নূতনরূপে
 হয় সে সফল ;

চিরকাল এই সব
 রহস্য আছে নীরব
 রুদ্ধ ওষ্ঠাধর,
 জন্মান্তর নব প্রাতে
 সে হয় ত আপনাতো
 পেয়েছে উত্তর !

সে হয় ত দেখিয়াছে
 পড়ে' যাহা ছিল পাছে
 আজি তাহা আগে ;
 ছোট যাহা চিরদিন
 ছিল অন্ধকারে লীন,
 বড় হয়ে জাগে ;
 যেথায় স্বপ্নার সাথে
 মানুষ আপন হাতে
 লেপিয়াছে কালী
 নূতন নিয়মে সেথা
 জ্যোতির্ময় উজ্জলতা
 কে দিয়াছে জালি !

কত শিক্ষা পৃথিবীর
 থসে' পড়ে জীর্ণচীর,
 জীবনের সনে,
 সংসারের লজ্জাভয়
 নিমেষেতে দগ্ধ হয়
 চিতা-ছত্যাশনে ;
 সকল অভ্যাস-ছাড়া
 সর্ব আবরণ হারা
 সদ্য শিশুসম
 নগ্নমূর্তি মরণের
 নিষ্কলঙ্ক চরণের
 সম্মুখে প্রণম' !

আপন মনের মত
 সঙ্কীর্ণ বিচার যত
 রেখে দাও আজ !
 ভুলে যাও কিছুক্ষণ
 প্রত্যাহের আয়োজন,
 সংসারের কাজ !

মৃত্যুর পরে ।

৩৩

আজি কণেকের তরে

বসি রাতায়ন পরে

বাহিরেতে চাহ !

অসীম আকাশ হতে

বহিয়া আসুক স্রোতে

বৃহৎ প্রবাহ !

উঠিছে ঝিল্লির গান,

তরুর মর্ম্মর তান,

নদী কলস্বর,

প্রহরের আনাগোনা

যেন রাজে যায় শোনা

আকাশের পর !

উঠিতেছে চরাচরে

অনাদি অনন্তস্বরে

সঙ্গীত উদার

সে নিত্য-গানের সনে

মিশাইয়া লহ মনে

জীবন তাহার !

ব্যাপিয়া সমস্ত বিশ্বে
 দেখ তারে সর্বদৃশ্তে
 বৃহৎ করিয়া ;
 জীবনের ধূলি ধুয়ে
 দেখ তারে দূরে থুয়ে
 সম্মুখে ধরিয়া !
 পলে পলে দণ্ডে দণ্ডে
 ভাগ করি খণ্ডে খণ্ডে
 মাপিয়া না তারে !
 থাক্ তব ক্ষুদ্র মাপ
 ক্ষুদ্র পুণ্য, ক্ষুদ্র পাপ
 সংসারের পারে !

আজ বাদে কাল যারে
 ভুলে যাবে একেবারে
 পরের মতন
 তারে লয়ে আজি কেন
 বিচার বিরোধ হেন,
 এত আলাপন !

যে বিশ্ব কোলের পরে
 চির দিবসের তরে
 তুলে নিল তারে
 তার মুখে শব্দ নাহি,
 প্রশান্ত সে আছে চাহি
 'চাকি আপনারে !

বৃথা তারে প্রশ্ন করি,
 বৃথা তার পায়ে ধরি,
 বৃথা মরি কৈদে ;—
 খুঁজে ফিরি অশ্রুজলে —
 কোন্ অঞ্চলের তলে
 নিয়েছে সে বেঁধে ;
 ছুটিয়া মৃত্যুর পিছে
 ফিরে নিতে চাহি মিছে ;—
 সে কি আমাদের ?
 পলেক বিচ্ছেদে হার
 তখনি ত বৃথা যায়
 সে যে অনন্তের !

চক্ষের আড়ালে তাই
 কত ভয় সংখ্যা নাই ;
 সহস্র ভাবনা !
 মুহূর্ত মিলন হলে
 টেনে নিই বুকে কোলে,
 অতৃপ্ত কায়না !
 পার্শ্বে বসে ধরি মুঠি,
 শব্দমাঝে কেঁপে উঠি,
 চাহি চারিভিত্তে,
 অনন্তের ধনটিরে
 আপনার বুক চিরে
 চাহি লুকাইতে !

হাররে নির্দোষ নর,
 কোথা তোর আছে ঘর,
 কোথা তোর স্থান !
 শুধু তোর ওইটুকু
 অতিশয় ক্ষুদ্র বুক
 ভয়ে কম্পমান !

মৃত্যুর পরে ।

৩৭

উর্ধ্বে ওই দেখ চেয়ে
সমস্ত আকাশ ছেয়ে
অনন্তের দেশ,
সে যখন একধারে
লুকায়ে রাখিবে তারে
পাবি কি উদ্দেশ ?

ওই হের সীমাহারা
গগনেতে গ্রহতারা
অসংখ্য জগৎ,
ওরি মাঝে পরিভ্রান্ত
হয় ত সে একা পাছ
খুঁজিতেছে পথ !
ওই দূর দূরান্তরে
অজ্ঞাত ভুবন পরে
কত্বে কোন থানে
আর কি গো দেখা হবে,
আর কি সে কথা কবে,
কেহ নাহি জানে !

যা হবার তাই হোক,
 ঘুচে যাক সর্বশোক,
 সর্ব মরীচিকা !
 নিবে যাক চিরদিন
 পরিশ্রান্ত পরিক্ষীণ
 মর্ত্য জন্ম-শিখা !
 সব তর্ক হোক শেষ,
 সব রাগ সব ঘেঁষ,
 সকল বালাই !
 বল শান্তি বল শান্তি
 দেহ সাথে সব ক্লান্তি
 পুড়ে হোক ছাই !

অন্তর্যামী ।

এ কি কৌতুক নিত্য-নূতন
 ওগো কৌতুকময়ী !
 আমি যাহা কিছু চাহি বলিবারে
 বলিতে দিতেছ কই ?

অন্তরমাঝে বসি অহরহ
মুখ হতে তুমি ভাষা কেড়ে লহ,
মোর কথা লয়ে তুমি কথা কহ
মিশ্রায়ে আপন সুরে ।

কি বলিতে চাই সব ভুলে যাই,
তুমি যা বলাও আমি বলি তাই,
সঙ্গীতশ্রোতে কূল নাহি পাই,
কোথা ভেসে যাই দূরে !

বলিতেছিলাম বসি একধারে
আপনার কথা আপন জনারে,
সুনাতেছিলাম ঘরের দুয়ারে
ঘরের কাহিনী যত ;

তুমি সে ভাষারে দহিয়া অনলে,
ডুবিয়ে ভাসিয়ে নয়নের জলে,
নবীন প্রতিমা নব কোশলে
গড়িলে মনের মত ।

সে মায়া মূর্তি কি কহিছে বাণী !
কোথাকার ভাব কোথা নিলে টানি !
আমি চেয়ে আছি বিশ্বয় মানি'
রহস্তে নিমগন !

এ যে সঙ্গীত কোথা হতে উঠে,
এ যে লাবণ্য কোথা হতে ফুটে,
এ যে ক্রন্দন কোথা হতে টুটে

অস্তর-বিদারণ !

নূতন ছন্দ অঙ্কের প্রায়
ভরা আনন্দে ছুটে চলে যায়,
নূতন বেদনা বেজে উঠে তায়

নূতন রাগিণী ভরে ।

যে কথা ভাবিনি বলি সেই কথা,
যে ব্যথা বুঝি না জাগে সেই ব্যথা,
জানি না এনেছি কাহার বারতা

কারে শুনাবাব তবে !

কে কেমন বোঝে অর্থ তাহার,
কেহ এক বলে কেহ বলে আর,
আমারে শুধায় বৃথা বারবার,—

দেখে' তুমি হাস বুঝি !

কে গো তুমি, কোথা রয়েছ গোপনে,

আমি মরিতেছি খুঁজি ।

এ কি কোতুক নিত্য-নৃতন
 ওগো কোতুকময়ী !
 যে দিকে পাহ্ চাহে চলিবারে
 চলিতে দিতেছ কই ?
 গ্রামের যে পথ ধায় গৃহপানে,
 চাবীগণ ফিরে দিবা-অবসানে,
 গোঠে ধায় গরু, বধু জল আনে
 শতবাব যাতায়াতে,
 একদা প্রথম প্রভাত বেলায়
 সে পথে বাহির হইছে হেলায়,
 মনে ছিল, দিন কাজে ও খেলায়•
 কাটায়ে ফিরিব বাতে ।
 পদে পদে তুমি ভুলাইলে দিক্,
 কোথা যাব আজি নাহি পাই ঠিক,
 ক্রান্ত হৃদয় ভ্রান্ত পথিক
 এসেছি নূতন দেশে ।
 কখনো উদার গিরির শিখরে,
 কভু বেদনার তমোগহ্বরে
 চিনি না যে পথ সে পথের পরে
 চলেছি পাগল বেশে ।

কভু বা পঙ্খলহন জটিল,

কভু পিচ্ছল ঘন পঙ্কিল,

কভু সংকট-ছায়া-শঙ্কিল,

বক্ষিম হ্রগম,—

ধর কণ্টকে ছিন্ন চরণ,

ধূলায় রৌদ্রে মলিন বরণ,

আশে পাশে হতে তাকায় মরণ,

সহসা লাগায় ভ্রম !

তারি মাঝে বাঁশি বাজিছে কোথায়,

কঁপিছে বক্ষ অথের ব্যাথায়,

তীব্র তপ্ত দীপ্ত নেশায়

চিত্ত মাতিয়া উঠে !

কোথা হতে আসে ঘন স্নগন্ধ,

কোথা হতে বায়ু বহে আনন্দ,

চিস্তা ত্যজিয়া পরাণ অন্ধ

মৃত্যুর মুখে ছুটে !

ক্যাপার মতন কেন এ জীবন ?

অর্থ কি তার, কোথা এ ভ্রমণ ?

চুপ করে থাকি শুধায় বখন
 দেখে তুমি হাস বুঝি !
 কে তুমি গোপনে চালাইছ মোয়ে !
 আমি যে তোমারে খুঁজি !

রাখ কোতুক নিত্য-নূতন
 ওগো কোতুকময়ী !
 আমার অর্থ, তোমার তত্ত্ব
 বলে দাও মোরে অগ্নি !
 আমি কি গো বীণা-যন্ত্র তোমার ?
 বাথায় পীড়িয়া হৃদয়ের তার
 মুচ্ছনাভরে গীতঝঙ্কার
 ধ্বনিছ মর্শ্মমাঝে !

আমার মাঝারে করিছ রচনা
 অসীম বিরহ, অপার বাসনা,
 কিসের লাগিয়া বিশ্ববদনা
 মোর বেদনায় বাজে ?
 মোর প্রেমে দিয়ে তোমার রাগিণী ,
 কহিতেছ কোন্ অনাদি কাহিনী,

কঠিন আঘাতে জগো মারাবিনী

জাগাও গভীর স্বর !

হবে যবে তব লীলা অবসান,

ছিঁড়ে যাবে তার, থেমে যাবে গান,

আমারে কি ফেলে করিবে প্রয়াণ

তব রহস্যপুর ?

জ্বলেছ কি মোরে প্রদীপ তোমার

করিবারে পূজা কোন্ দেবতার

রহস্য-ঘেরা অসীম আঁধার

মহা মন্দিরতলে ?

নাহি জানি, তাই কার্ লাগি প্রাণ

মরিছে দহিয়া নিশি দিনমান,

যেন সচেতন বহ্নি সমান

নাড়ীতে নাড়ীতে জ্বলে ?

অন্ধনিশীথে নিভুতে নীরবে

এই দীপখানি নিবে যাবে যবে,

বুঝিব কি, কেন এসেছিহু ভবে,

কেন জলিলাম প্রাণে ?

কেন নিয়ে এলে তব মায়ারথে

তোমার বিজন নৃতন এ পথে,

কেন রাখিলে না সবার জগতে
 জনতার মাঝখানে ?
 জীবন-পোড়ানো এ হোম-অনল
 সে দিন কি হবে সহসা সফল ?
 সেই শিখা হতে রূপ নির্মল
 বাহিরি' আসিবে বুঝি !
 সব জটিলতা হইবে সরল
 তোমারে পাইব খুঁজি !

ছাড়ি কৌতুক নিত্য-নূতন
 ওগো কৌতুকময়ী
 জীবনেব শেষে কি নূতন বেশে
 দেখা দিবে মোরে অসি ?
 চির দিবসের মর্শের ব্যথা,
 শত জনমের চিব সফলতা,
 আমার প্রেমসী, আমার দেবতা,
 আমার বিশ্বরূপী,
 মরণ-নিশায় উষা বিকাশিয়া
 শান্ত জনের শিয়রে আসিয়া

মধুর অধরে করুণ হাসিয়া

দাঁড়াবে কি চুপি চুপি ?

ললাট আমার চুষন করি

নব চেতনায় দিবে প্রাণ ভরি',

নয়ন মেলিয়া উঠিব শিহরি'

জানি না চিনিব কি না !

শূন্য গগন নীল নির্মল,

নাহি রবিশশি গ্রহমণ্ডল,

না বহে পবন, নাই কোলাহল,

বাজিছে নীরব বীণা !

অচল আলোকে রয়েছ দাঁড়ায়ে,

কিরণ-বসন অঙ্গ জড়ায়ে

চরণের তলে পড়িছে গড়ায়ে

ছড়ায়ে বিবিধ ভঙ্গে ।

গন্ধ তোমার ঘিরে চারিধার,

উড়িছে আকুল কুন্তলভার,

নিখিল গগন কাঁপিছে তোমার

পরশ-রস-তরঙ্গে !

হাসিমাখা তব আনত দৃষ্টি,

আমারে করিছে নূতন সৃষ্টি,

অন্তর্যামী ।

‘অঙ্গে অঙ্গে অমৃত-বৃষ্টি

বরষি’ করুণাভরে ।

নিবিড় গভীর প্রেম আনন্দ

বাহুবন্ধনে করেছে বন্ধ,

মুগ্ধ নয়ন ছেয়েছে অঙ্ক

অশ্রু বাষ্প থরে ।

নাহিক অর্থ, নাহিক তত্ত্ব,

নাহিক মিথ্যা, নাহিক সত্য,

আপনার মাঝে আপনি মত্ত, —

দেখিয়া হাসিবে বুঝি ?

আমি হতে তুমি বাহিরে আসিবে,

ফিরিতে হবে না খুঁজি !

যদি কোতুক রাখ চিরদিন

ওগো কোতুকময়ী,

যদি অন্তরে লুকায়ে বসিয়া

হবে অন্তরজয়ী

তবে তাই হোক ! দেবি অহরহ

জনমে জনমে রহ তম্বে রহ,

নিভা মিলনে নিভা বিরহ

জীবনে জাগাও প্রিয়ে !

নব নব রূপে ওগো রূপময়

লুপ্তিয়া লহ আমার হৃদয়,

কঁদাও আমারে, ওগো নির্দয়,

চঞ্চল প্রেম দিয়ে ।

কখন হৃদয়ে, কখন বাহিরে,

কখনো আলোকে, কখন তিমিরে,

কভু বা স্বপনে. কভু সশরীরে

পরশ করিয়া যাবে ।

বক্ষ বীণায় বেদনার তার

এইমত পুনঃ বাধিব আবার,

পরশমাত্রে গীতঝঙ্কার

উঠিবে নূতন ভাবে ।

এমনি টুটিয়া মর্ম্ম-পাথর

ছুটিবে আবার অশ্রু-নিঝর,

জানি না খুঁজিয়া কি মহাসাগর

বহিষ্ণু চলিবে দূরে ।

বয়স বয়স দিবস রজনী

অশ্রু নদীর আকুল সে ধ্বনি

রহিয়া রহিয়া মিশিবে এমনি

আমার গানের সুরে !

যত শত ভুল করেছি এবার

সেই মত ভুল ঘটবে আবার,

ওগো মান্নাবিনী কত ভুলাবার

মন্ত্র তোমার আছে !

আবার তোমাতে ধরিবার তরে

ফিরিয়া মরিব বনে প্রাস্তরে,

পথ হতে পথে, ঘর হতে ঘরে

ছরাশার পাছে পাছে ।

এবারের মত পুরিয়া পরাণ

তীব্র বেদনা করিয়াছি পান ;

সে সুরা তরল অগ্নি সমান

তুমি ঢালিতেছ বুঝি !

আবার এমনি বেদনার মাঝে

তোমাতে কিরিব খুঁজি !

ভাদ্র,

১৩০১ ।



সাধনা ।

দেবি ! অনেক ভক্ত এসেছে তোমার চরণ তলে

অনেক অর্থ্য আনি ;

আমি অভাগ্য এনেছি বহিয়া নয়ন জলে

ব্যর্থ সাধন থানি ।

তুমি জ্ঞান যোর মনের বাসনা,

যত সাধ ছিল সাধ্য ছিল-না,

তবু বহিয়াছি কঠিন কামনা

দিবস নিশি ।

মনে বাহা ছিল হয়ে গেল আর,

গড়িতে ভাঙ্গিয়া গেল বার বার,

ভাঙ্গয় মন্দে আলোয় অঁধার

গিয়েছে নিশি ।

তবু ওগো, দেবি, নিশিদিন করি পরাণপণ,

চরণে দিতেছি আনি

মোর জীবনের সকল শ্রেষ্ঠ সাধনেব ধন

ব্যর্থ সাধন থানি ।

ওগো ব্যর্থ সাধন থানি

দেখিয়া হাসিছে সার্থকফল

সকল ভক্ত প্রাণী ।

তুমি যদি দেবি পলকে কেবল

কর কটাক্ষ স্নেহ-সুকোমল,

একটি বিন্দু ফেল আঁখি জল

করুণা মানি'

সব হতে তবে সার্থক হবে

বার্থ সাধন খানি ।

দেবি ! আজি আসিয়াছে অনেক যন্ত্রী গুনাতে গান

অনেক যন্ত্র আনি ।

আমি আনিয়াছি হিমতন্ত্রী নীরব ম্লান

এই দীন বীণা খানি ।

তুমি জান ওগো করি নাই হেলা,

পথে প্রাস্তরে করি নাই থেলা,

গুধু সাধিয়াছি বসি সারাবেলা

শতেক ষ্মার ।

মনে যে গানের আছিল আভাস,

যে তান সাধিতে করেছিহু আশ,

সহিল না সেই কঠিন প্রয়াস,

ছিঁড়িল তার ।

স্তবহীন তাই রয়েছি দাঁড়ানে সারাটি কণ,

আনিয়াছি গীতহীনা

আমার প্রাণের একটি যন্ত্র বুকের ধন

ছিন্নতন্ত্রী বীণা !

ওগো ছিন্নতন্ত্রী বীণা

দেখিয়া তোমার শুণীজন সবে

হাসিছে করিয়া ঘৃণা।

তুমি যদি এরে লহ কোলে তুলি,

তোমার শ্রবণে উঠিবে আকুলি

সকল অগীত সঙ্গীত গুলি,

হৃদয়াসীনা !

ছিল যা আশায় ফুটাবে ভাষায়

ছিন্নতন্ত্রী বীণা ।

দেবি ! এ জীবনে আমি গাহিয়াছি বঁসি অনেক গান,

পেয়েছি অনেক ফল ;

সে আমি সবারে বিশ্বজনারে করেছি দান,

ভরেছি ধরণীতল ।

যার ভাল লাগে সেই নিয়ে যাক্,
যত দিন থাকে ততদিন থাক্,
যশ অপযশ কুড়ায়ে বেড়াক্
ধূলার মাঝে ।

বলেছি যে কথা করেছি যে কাজ
আমার সে নয়, সবার সে আজ,
ফিনিতে ভ্রমিষা সংসার মাঝ
বিবিধ সাজে !

যা কিছু আমার আছে আপনার শ্রেষ্ঠধন
দিতোছ চরণে আসি—
অকৃত কার্য্য, অকথিত বাণী, অগীত গান,
বিফল বাসনা রাশি ।

ওগো বিফল বাসনা রাশি
হেরিয়া আজিকে ঘরে পরে সবে
হাসিছে হেলার হাসি ।

তুমি যদি দেবি লহ কর পাতি,
আপনার হস্তে রাখ মালা গাঁথি,
নিত্য নবীন রবে দিনরাতি
স্বাসে ভাসি,

সফল করিবে জীবন আমার

বিফল বাসনা রাশি ॥

৪ কার্তিক,

১৩০১ ।

ব্রাহ্মণ ।

(ছান্দোগ্যোপনিষৎ । ১ প্রপাঠক । ৪ অধ্যায় ।)

অন্ধকার বনচ্ছায়ে সরস্বতীতীরে

অস্ত গেছে সন্ধ্যাসূর্য্য ; আসিয়াছে ফিরে

নিস্তরু আশ্রমমাঝে ঋষিগুত্রগণ

মন্তকে সমিধ্ভার করি আহরণ

বনাস্তব হতে ; ফিরায়ে এনেছে ডাকি

তপোবন-গোষ্ঠগৃহে স্নিগ্ধশাস্ত-আঁখি

শ্রান্ত হোমধেনুগণে ; করি' সমাপন

সন্ধ্যান্নান, সবে মিলি লয়েছে আসন

গুরু গৌতমেরে ঘিরি কুটীর-প্রাঙ্গণে

হোমাগ্নি আলোকে । শূন্যে অনন্ত গগনে

ধ্যানমগ্ন মহাশাস্তি ; নক্ষত্রমণ্ডলী

সারি সারি বসিয়াছে স্তরু কুতূহলী

নিঃশব্দ শিষ্যের মত । নিভৃত আশ্রম
উঠিল চকিত হয়ে,—মহর্ষি গৌতম
কহিলেন—বৎসগণ, ব্রহ্মবিদ্যা কহি,
কর অবধান !

হেনকালে অর্ঘ্য বহি’
করপুট ভরি, পশিলা প্রাঙ্গণতলে
তরুণ বালক ; বন্দি ফলফুলদলে
ঋষির চরণ-পদ্ম, নমি’ ভক্তিভরে
কহিলা কোকিলকণ্ঠে সুধান্নিধ্বসরে,—
ভগবন্, ব্রহ্মবিদ্যাশিক্ষা-অভিলাষী
আসিয়াছি দীক্ষাতরে কুশক্ষেত্রবাসী
সত্যকাম নাম মোর !

শুনি স্মিতহাসে
ব্রহ্মর্ষি কহিলা তারে মেহশান্ত ভাষে —
কুশল হউক সৌম্য ! গোত্র কি তোমার ?
বৎস, শুধু ব্রাহ্মণের আছে অধিকার
ব্রহ্মবিদ্যালাভে ।—

বালক কহিলা ধীরে,—
ভগবন্, গোত্র নাহি জানি । জননীরে
শুধায়ে আসিব কল্য কর অনুমতি ! —

এত কহি ঋষিপদে করিয়া প্রণতি
 গেলা চলি সত্যকাম, ঘন অন্ধকার
 বন-বীথি দিয়া, —পদব্রজে হয়ে পার
 ক্ষীণ স্বচ্ছ শান্ত সরস্বতী, বালুতীরে
 স্মৃতিমোহন গ্রামপ্রান্তে জননী কুটীরে
 করিলা প্রবেশ ।

ঘরে সন্ধ্যাদীপ জ্বালা' ;

দাঁড়ারে ছয়ার ধরি জননী জ্বালা
 পুত্রপথ চাহি ; হেরি তারে বক্ষে টানি'
 আত্মাণ করিয়া শির কহিলেন বাণী
 কল্যাণ কুশল । শুধাইলা সত্যকাম—
 কহ গো জননী মোর পিতার কি নাম,
 কি বংশে জনম ? গিয়াছিহু দীক্ষাতরে
 গৌতমের কাছে ;—গুরু কহিলেন মোরে,—
 বৎস, শুধু ব্রাহ্মণের আছে অধিকার
 ব্রহ্মবিদ্যালাভে ।—মাতঃ, কি গোত্র আমার ?

শুনি কথা, মুহূর্ত্তে অবনতমুখে
 কহিলা জননী,—যৌনে দারিদ্র্যহুখে
 বহু-পরিচর্যা করি পেয়েছিহু তোরে,

জন্মেহিস্ ভৰ্তৃহীনা জবাগার ক্রোড়ে,
গোত্র তব নাহি জানি, তাত !

পরদিন

তপোবন-তরুণিরে প্রসন্ন নবীন
জাগিল প্রভাত । যত তাপস বাগক,
শিশির-স্নানিধি যেন তরুণ আলোক,
ভক্তি-অশ্রু-ধৌত যেন নব পুণ্যচ্ছটা,—
প্রাতঃস্নাত স্নিগ্ধছবি আর্দ্রসিক্ত জটা,
গুচিশোভা সৌম্যমূর্তি সমুজ্জ্বলকার
বসেছে বেষ্টন করি বৃদ্ধ বটচ্ছায়
গুরু গৌতমেবে । বিহঙ্গকাকলীগান,
মধুপ-গুঞ্জনগীতি, জলকলতান,
তারি সাথে উঠিতেছে গম্ভীর মধুর
বিচিত্র তরুণ কণ্ঠে সম্মিলিত সুর
শাস্ত সামগীতি ।

হেন কালে সত্যকাম

কাছে আসি ঋষিপদে করিলা প্রণাম,—
মেলিয়া উদার আখি রহিলা নীরবে ।
আচার্য্য আশিষ করি শুধাইলা তবে,—

কি গোত্র তোমার, সৌম্য, প্রিয়-দরশন ?—
 তুলি শির কহিলা বাগক,—ভগবন্,
 নাহি জানি কি গোত্র আমার । পুছিলাম
 জননীয়ে ;—কহিলেন, তিনি,—সত্যকাম,
 বহু-পরিচর্যা করি পেয়েছিহু তোরে,
 জন্মেছিহু ভর্তৃহীনা জবালার ক্রোড়ে—
 গোত্র তব নাহি জানি ।

শুনি সে বারতা

ছাত্রগণ মুহূৰ্ত্তে আরম্ভিল কথা,—
 মধুচক্রে লোষ্ট্রপাতে বিক্ষিপ্ত চঞ্চল
 পতঙ্গের নত—সবে বিশ্বয়-বিকল,
 কেহ বা হাসিল, কেহ করিল ধিক্কার
 লজ্জাহীন অনার্যের হেরি অহঙ্কার ।

উঠিলা গৌতম ঋষি ছাড়িয়া আসন
 বাহু মেলি,—বালকেরে করি আলিঙ্গন
 কহিলেন—অব্রাহ্মণ নহ তুমি, তাত !
 তুমি দ্বিজোত্তম, তুমি সত্যকুলজাত !

৭ ফাল্গুন,

১৩০১ ।

পুরাতন ভৃত্য ।

ভূতের মতন চেহারা যেমন,
 নির্কোষ অতি ঘোর !
 যা কিছু হারায়, গিন্নি বলেন
 কেষ্ঠা বেটাই চোর !
 উঠিতে বসিতে করি বাপান্ত,
 শুনেও শোনে না কানে ।
 যত পায় বেত না পায় বেতন
 তবু না চেতন মানে ।
 বড় প্রয়োজন, ডাকি প্রাণপণ
 চীৎকার করি 'কেষ্ঠা,'—
 যত করি তাড়া, নাহি পাই সাড়া,
 খুঁজে ফিরি সারা দেশটা !
 তিনখানা দিলে একখানা রাখে,
 বাকি কোথা নাহি জানে ।
 একখানা দিলে নিমেষ ফেলিতে
 তিনখানা করে আনে !
 যেখানে সেখানে দিবসে ছপরে
 নিত্রাটি আছে সাধা ।

মহা কলরবে গালি দেই যবে
 পাজি হতভাগা গাধা,
 দরজার পাশে দাঁড়িয়ে সে হাসে
 দেখে' জঁলে' যায় পিত্ত !
 তবু মায়া তার ত্যাগ করা ভার
 বড় পুরাতন ভৃত্য !

ঘরের কর্ত্রী রুক্ষ-মূর্তি
 বলে, “আর পারি না কো !
 “রহিল তোমার এ ঘর ছয়ার
 কেষ্ঠারে লয়ে থাকো !
 “না মানে শাসন, বসন বাসন
 অশন আসন যত
 “কোথায় কি গেলো, শুধু টাকাগুলো
 যেতেছে জলের মত !
 “গেলে সে বাজার, সারাদিনে আর
 দেখা পাওয়া তার ভার !
 “করিলে চেষ্ঠা কেষ্ঠা ছাড়া কি
 ভৃত্য মেলে না আর !”

শুনে মহা রেগে ছুটে শাই বেগে,
 আনি তার টিকি ধরে,—
 বলি তারে “পাজ, বেরো তুই আজই,
 দূর করে দিহু তোরে !”
 ধীরে চলে যায়, ভাবি, গেল দায় ;—
 পরদিনে উঠে দেখি
 ছ’কাটি বাড়ায়ে রয়েছে দাঁড়ায়ে
 বেটা বুদ্ধির ঢেঁকি !
 প্রসন্ন মুখ, নাহি কোন হুখ,
 অতি অকাতর চিত্ত !
 ছাড়ালে না ছাড়ে, কি করিব তারে,
 মোর পুরাতন ভৃত্য !

সে বছরে ফাঁকা পেহু কিছু টাকা
 করিয়া দালাল-গিরি ।
 করিলাম মন শ্রীবৃন্দাবন
 বারেক আসিব ফিরি ।
 পরিবার তায় সাথে যেতে চায়,—
 বুঝায়ে বলিহু তারে—

পতির পুণ্যে সতীর পুণ্য ;—

নহিলে খরচ বাড়ে !

লয়ে রশারশি করি কশাকশি

পোটলা পুঁটুলি বাধি’

বলয় বাজায়ে বাজ্ঞ সাজায়ে

গৃহিণী কহিল কাঁড়ি,—

“পরদেশে গিয়ে কেষ্ঠারে নিয়ে

কষ্ট অনেক পাবে !”

আমি কহিলাম “আরে রাম রাম !

নিবারণ সাথে যাবে !”

রেলগাড়ি ধায় ;—হেরিলাম হায়

● নামিয়া বর্দ্ধমানে—

কৃষ্ণকান্ত অতি প্রশান্ত

তামাকু সাজিয়া আনে !

স্পর্ধা তাহার হেন মতে আর

কত বা সহিব নিত্য !

যত তারে হুমি’ তবু হুহু খুসি

হেরি পুরাতন ভৃত্য !

নামিহু ত্রীধামে ; দক্ষিণে বামে
 পিছনে সমুখে যত
 লাগিল পাণ্ডা, নিমেষে প্রাণ্টা
 করিল কণ্ঠাগত !
 জন ছয় সাত মিলি একসাথে
 পরম বজ্জুভাবে
 করিলাম বাসা, মনে হল আশা
 আরামে দিবস যাবে !
 কোথা ব্রজবালা, কোথা বনমালা,
 কোথা বনমালী হরি !
 কোথা, হা হস্ত, চিরবসন্ত !
 আমি বসন্তে মরি !
 বজ্জু যে যত স্বপ্নের মত
 বাসা ছেড়ে দিল ভঙ্গ !
 আমি একা ঘরে, ব্যাধি-খরশরে
 ভরিল সকল অঙ্গ !
 ডাকি নিশিদিন সুরুণ ক্ষীণ—
 “কেউ আম রে কাছে !
 এতদিনে শেষে আসিয়া বিদেশে
 প্রাণ বুঝি নাহি বাঁচে !”

হেরি তার মুখ ভরে' ওঠে বুক,
 সে যেন পরম বিত্ত !
 নিশিদিন ধরে' দাঁড়ায়ে শিয়রে
 মোর পুরাতন ভৃত্য !

মুখে দেয় জল, শুধায় কুশল,
 শিরে দেয় মোর হাত ;
 দাঁড়ায়ে নিঝুম, চোখে নাই ঘুম,
 মুহুখ নাই শ্রাব ভাত।
 বলে বার বার, “কর্তা, তোমার
 কোন ভয় নাই, গুন,
 “যাবে দেশে ফিরে, মা-ঠাকুরাণীয়ে
 দেখিতে পাইবে পুন।”
 লভিয়া আরাম আমি উঠিলাম ;
 তাহারে ধরিল জরে ;
 নিল সে আমার কাল-ব্যাধিভার
 আপনার দেহ পরে !
 হয়ে জ্ঞানহীন কাটিল দুদিন
 বন্ধ হইল নাড়ি।

ছুই বিঘা জমি।

৯৫

এতবার তারে গেলু ছাড়াবারে,

এতদিনে গেল ছাড়ি'!

বহুদিন পরে আপনার ঘরে

ফিরিলু সারিয়া তীর্থ।

আজ সাথে নেই চিরসার্থী সেই

মোর পুরাতন ভৃত্য।

১২ ফাল্গুন,

১৩০১।

ছুই বিঘা জমি।

শুধু বিঘে ছুই ছিল মোর ভূঁই, আর সবি গেছে ঋণে।

বাবু বলিলেন “বুঝেছ উপেন, এ জমি লইব কিনে।”

কহিলাম আমি “তুমি ভূস্বামী, ভূমির অস্ত নাই;

চেরে দেখ মোর আছে বড়-জোর মরিবার মত ঠাই।”

শুনি রাজা কহে “বাপু, জানত হে, করেছি বাগানখানা,

পেলে ছুই বিঘে প্রস্বে ও দৌঘে সমান হইবে টানা,—

ওটা দিতে হবে।”—কহিলাম তবে বক্ষে জুড়িয়া পাপি

সজল চক্ষে, “করুন্ রক্ষে গরীবের ভিটেশানি।

সপ্তপুরুষ যেথায় মাহুৰ সে মাটি সোণার বাড়ী,
 দৈত্যের দায়ে বেচিব সে মায়ে এমনি লক্ষীছাড়া" !
 জাঁখি করি লাল রাজা ক্ষণকাল রহিল মৌনভাবে,
 কহিলেন শেষে ক্রুর হাসি হেসে, "আচ্ছা সে দেখা যাবে" !

পরে মাস দেড়ে ভিটেমাটি ছেড়ে বাহির হইল পথে—
 করিল ডিক্রি, সকলি বিক্রি মিথ্যা দেনার খতে ।
 এ জগতে, হায়, সেই বেশি চায় আছে যার ভুরি ভুরি !
 রাজার হস্ত করে সমস্ত কাঙালের ধন চুরি !
 মনে ভাবিলাম মোরে ভগবান রাখিবে না মোহগর্ভে,
 তাই লিখি দিল বিশ্ব-নিখিল ছু বিঘার পরিবর্তে !
 সন্ন্যাসীবেশে ফিরি দেশে দেশে হইয়া সাধুর শিষ্য,
 কত হেরিলাম মনোহর ধাম, কত মনোরম দৃশ্য ।
 ভূধরে সাগরে বিজনে নগরে যখন যেখানে ভ্রমি,
 তবু নিশিধিনে ভুলিতে পারিনে সেই বিঘা ছই জমি !
 হাটে মাঠে বাটে এই মত কাটে বছর পনেরো ঘোলা,
 একদিন শেষে ফিরিবারে দেশে বড়ই বাসনা হোলো ।

নমোনমো নমঃ, স্তব্ধরী মন্ম জননী বঙ্গভূমি !
 গঙ্গার তীর স্নিগ্ধ সমীর জীবন জুড়ালে তুমি !

অবারিত মাঠ, গগন-ললাট চুমে তরু পদ-ধূলি,
ছায়া-সুনিবিড় শান্তির নীড় ছোট ছোট গ্রামগুলি।
পল্লবঘন আব্রকানন, রাখালের খেলাগেহ।
স্তম্ভ অতল দৌধি-কালোজল, নিশীথ-শীতল স্নেহ।
বৃকভরা মধু বঙ্গের বধু জল লয়ে যায় ঘরে,
মা বলিতে প্রাণ করে আনন্দান, চখে আসে জল ভরে’।
তুই দিন পরে দ্বিতীয় প্রহরে প্রবেশিল নিজগ্রামে।
কুমেরের বাড়ি দক্ষিণে ছাড়ি, রথ-তলা করি বামে
রাখি হাটখোলা নন্দীর গোলা, মন্দির করি পাছে
তুষাতুর শেষে পঁছছিল এসে আমার বাড়ির কাছে।

ধিক্ ধিক্ ওরে, শতধিক্ তোরে, নিলাজ কুলটা ভূমি !
যখনি বাহার তখনি তাহার, এই কি জননী তুমি !
সে কি মনে হবে একদিন যবে ছিলে দরিদ্র-মাতা,
আঁচল ভরিয়া রাখিতে ধরিয়া ফলফুল শাকপাতা !
আজ কোন্ রীতে কারে ভুলাইতে ধরেছ বিলাস-বেশ,
পাঁচরঙা পাতা অঞ্চলে গাঁথা, পুষ্পে খচিত কেশ !
আমি তোমার লাগি ফিরেছি বিবাগী গৃহহারা স্নেহহীন,
তুই হেথা বসি ওরে রান্ধসী হাসিয়া কাটাস্ দিন !

ধনীর আদরে গরব না ধরে !—এতই হয়েছ ভিন্ন
কোন থানে লেশ নাহি অবশেষ সে দিনের কোন চিহ্ন !
কল্যাণময়ী ছিলে তুমি অগ্নি, ক্ষুধার সাধারানি ;
যত হাস আজ, যত কব সাজ, ছিলে দেবী, হলে দাসী ।

বিদীর্ণহিয়া ফিরিয়া ফিবিয়া চারিদিকে চেয়ে দেখি ;
শ্রীচীরের কাছে এখনো যে আছে, সেই আম গাছ এ কি
বসি তার তলে নয়নের জলে শান্ত হইল ব্যথা,
একে একে মনে উদিল স্বপ্নে বালক কালের কথা ।
সেই মনে পড়ে জ্যেষ্ঠের ঝড়ে রাত্রে নাহিক ঘুম,
অতি ভোবে উঠি তাড়াতাড়ি ছুটি আম কুড়াবার ধুম ।
সেই স্নমধুব স্তব্ধ হৃদয়, পাঠশালা-পলায়ন,—
ভাবিলাম হায় আব কি কোথায় ফিরে পাব সে জীবন !
সহসা বাতাস ফেলি গেল স্বাস শাখা ছুলাইয়া গাছে ;
ছুটি পাকা ফল লভিল ভূতল আমার কোলের কাছে ।
ভাবিলাম মনে বুঝি এতখনে আনারে চিনিল মাতা !
স্নেহের সে দানে বহু সম্মানে বারেক ঠেকানু মাথা ।

হেনকালে হায় যমদূত পায় কোথা হতে এল মালী !
ঝুঁটি-বাধা উড়ে সপ্তম স্তবে পাড়িঃ লাগিল গালী ।

কহিলাম তবে, “আমিত নীরবে দিয়েছি আমার সব,
 দুটি ফল তার করি অধিকার, এত তারি কণয়ব” !
 চিনিলা না মোরে নিয়ে গেল ধরে’ কাঁবে তুলি লাঠিগাছ,
 বাবু ছিপ হাতে পারিষদ সাথে ধরিতেছিলেন মাছ ।
 শুনি বিবরণ ক্রোধে তিনি কন “মারিয়া করিব খুন” !
 বাবু যত বলে, পারিষদদলে বলে তার শতগুণ !
 আমি কহিলাম, “শুধু দুটি আম ভীখু মাগি মহাশয়” !
 বাবু কহে হেসে “বেটা সাধুবশে পাকা চোর অতিশয়” !
 আমি শুনে হাসি, আঁখিজলে ভাসি, এই ছিল মোর ঘটে !
 তুমি মহারাজ সাধু হলে আজ, আমি আজ চোর বটে !
 ৩১ শে জ্যৈষ্ঠ,

১৯০২ ।

শীতে ও বসন্তে ।

প্রথম শীতের মাসে
 শিশির লাগিল ঘাসে,
 হুহু কবে হাওয়া আসে
 হিহি করে কাঁপে গাছ ।

আমি ভাবিলাম মনে,
এবার মাতিব স্নেহে,
বৃথা ক্রোধে অকারণে

কেটে গেছে দিনরাত্র।

লাগিব দেশের হিতে
গরমে বাদলে শীতে,
কবিতা নাটকে গীতে
করিব না অনাস্থা ;

লেখা হবে সারবান্,
অতিশয় ধার-বান্,
থাড়া র'ব দ্বারবান

দশদিকে রাখি দৃষ্টি।

এত বলি গৃহকোণে
বসিলাম দৃঢ় মনে
লেখকের যোগাসনে,
পাশে লয়ে মসীপাত্র।

নিশিদিন রুধি দ্বার,
স্বদেশের শুধি ধার,
নাহি হাঁফ ছাড়িবার
অবসর তিলমাত্র।

শীতে ও বসন্তে ।

রাশি রাশি লিখে লিখে
একেবারে দিকে দিকে
মাসিকে ও সাপ্তাহিকে
করিলাম লেখাবুটি ।
ঘরেতে জলে না চুলো,
শরীরে উড়িছে ধুলো,
আঙ্গুলের ডগাগুলো
হয়ে গেল কালীকুটি !

খুঁটিয়া তারিখ মাস
করিলাম রাশ রাশ,
গাঁথিলাম ইতিহাস,
রচিলাম পুরাতত্ত্ব ।
গালি দিয়া মহারাগে
দেখালেম দাগে দাগে
যে বাহা বলেছে আগে
কিছু তার নহে সত্য ।
পুরাণে বিজ্ঞানে গোটা
করিয়াছি সিদ্ধি-ঘোটা,

যাহা কিছু ছিল মোটা

হয়ে গেছে অতি সূক্ষ্ম ।

কবেছি সমালোচনা,

আছে তাহে গুণগণা,

কেহ তাহা বুঝিল না,

মনে রয়ে গেল ছঃখ ।

মেঘদূত—লোকে যাহা

কাব্যরূপে বলে “আহা,”—

আমি দেখায়েছি, তাহা

দর্শনের নব সূত্র ।

নৈষধের কবিতাটি

ডাকিয়িন-তত্ত্ব খাঁটি,

মোর আগে এ কথাটি

বল কে বলেছে কুত্র ?

কাব্য কহিবার ভাণে

নীতি বলি কানে কানে

সে কথা কেহ না জানে,

না বুঝে হতেছে ইষ্ট ।

নভেল লেখার ছলে

শিখায়েছি স্ক্রকৌশলে

শীতে ও বসন্তে ।

শাদাটিরে শাদা বলে,
কালো ঘাহা তাই কৃষ্ণ ।

কত মাস এই মত
একে একে হ'ল গত,
আমি দেশহিতে রত
সব দ্বার করি বন্ধ ।

হাসি গীত গল্পগুলি
ধুলিতে হইল ধূলি,
বেঁধে দিবে চোখে ঠুলি
কল্পনারে করি অন্ধ ।

নাহি জানি চারি পাশে
কি ঘটিছে কোন্ মাসে,
কোন্ ঋতু কবে আসে,
কোন্ রাতে উঠে চন্দ্র ।

আমি জানি, রুশিয়ান্
কতদূরে আশুয়ান,
বজ্রোটের ষ্টিয়ান্ .
কোথা তার আছে বন্ধু ।

চিত্রা ।

আমি জানি কোন্ দিন
পাশ্ হল কি আইন্,
কুইনের বেহাইন্
বিধবা হইল কল্যা ;
জানি সব আটঘাট ;—
গেজেটে করেছি পাঠ
আমাদের ছোটলাট
কোথা হতে কোথা চল ।

একদিন বসে বসে
লিখিয়া যেতেছি কসে'
এদেশেতে কার দোষে
ক্রমে কমে' আসে শত্রু ;
কেনই বা অপঘাতে
মরে লোক দিবারাতে,
কেন ব্রাহ্মণের পাতে
নাহি পড়ে চর্য্য চোষ্য ।
হেনকালে হুদাড্
খুলে গেল সব দ্বার,

শীতে ও বসন্তে ।

চারিদিকে তোলপাড়

বেধে গেছে মহাকাণ্ড !

নদীজলে, বনে, গাছে

কেহ গাহে কেহ নাচে,

উলটিয়া পড়িয়াছে

দেবতার স্খাভাণ্ড ।

উতলা পাগল বেশে

দক্ষিণে বাতাস এসে

কোথা হতে হাহা হেসে

প'ল যেন মদমত্ত !

লেখাপত্র কেড়েকুড়ে—

কোথা কি যে গেল উড়ে,—

ওই বে আকাশ জুড়ে

ছড়ায় “সমাজ-তত্ত্ব !”

“রুশিয়াব অভিপ্রায়”

ওই কোথা উড়ে যায়,

গেল বুঝি হয় হয়

“আমিবেব ষড়যন্ত্র !”

“প্রাচীন ভারত” বুঝি

আর পাইব না খুঁজি,

চিত্রা ।

কোথা গিয়ে হল পুঁজি
“জাপানের রাজতন্ত্র !”

গেল গেল, ও কি কর,
আরে আরে ধর ধর !—
হাসে বন মন্-মন্,
হাসে বায়ু কলহাস্তে !
উঠে হাসি মদীজলে
ছলছল কলকলে,
ভাসিয়ে লইয়া চলে
“মহুর নূতন ভাষ্য” ।

বাদ প্রতিবাদ যত
শুকনো পাতার মত
কোথা হল অপগত,—
কেহ তাহে নহে ক্ষুধ !
ফুলগুলি অনায়াসে
মুচকি মুচকি হাসে,
সুগভীর পরিহাসে
হাসিতেছে নীল শূন্য !

শীতে ও বসন্তে ।

দেখিতে দেখিতে মোর
লাগিল নেশার ঘোর,
কোথা হতে মন-চোর
পশিল আমার কক্ষে ;

যেমনি সমুখে চাওয়া
অমনি সে ভূতে-পাওয়া
লাগিল হাসির হাওয়া
আর বুঝি নাহি রক্ষে !

প্রথমে প্রাণের কূলে
শিহরি শিহরি ছলে,
ক্রমে সে মরম-মূলে
লহরী উঠিল চিন্তে ।

তার পরে মহা হাসি
উছলিল রাশি রাশি,
হৃদয় বাহিরে আসি
মাতিল জগৎ-মৃত্যে !

এস এস বঁধু এস,
আধেক আঁচরে বস,

চিত্রা ।

অবাক্ অধরে হাস

ভূলাও সকল তত্ত্ব !

তুমি শুধু চাহ ফিরে,—

ডুবে যাক্ ধীরে ধীরে

স্বধাসাগরের নীরে

যত মিছা যত সত্য !

আনগো যৌবনগীতি,

দূরে চল' যাক্ নীতি,

আন পরাণের প্রীতি,

থাক্ প্রবীণের ভাষা !

এসহে আপনাহারা,

প্রভাত সন্ধ্যার তারা,

বিষাদের আঁখিধারা

প্রমোদের মধুহাস্ত !

আন বাসনার ব্যথা,

অকারণ চঞ্চলতা,

আন কানে-কানে কথা,

চোখে চোখে লাজ-দুষ্টি !

অসম্ভব, আশাতীত,

অনাবশ্য, অনাদৃত,

নগর-সংগীত ।

এনে দাও অধাচিত

যত কিছু অনাসৃষ্টি !

হৃদয়-নিকুঞ্জমাঝ

এস আজি ঋতুরাজ,

ভেঙ্গে দাও সব কাজ

প্রেমের মোহন মজে !

হিতাহিত হোক দূর,—

গাব গীত স্মধুর,

ধর তুমি ধর সুর

সুধাময়ী বীণাবন্ধে !

১৮ আষাঢ়,

১৩০২ ।

নগর-সংগীত ।

কোথা গেল সেই মহান্ শাস্ত

নব নির্মল শ্রামলকান্ত

উজ্জলনীল বসনপ্রাস্ত

সুন্দর শুভ ধরণী !

চিত্রা ।

আকাশ আলোক-পুলকপুঞ্জ,
ছায়াশ্রুশীতল নিভৃত কুঞ্জ,
কোথা সে গভীর ভ্রমরশুভ্র,
কোথা নিয়ে এল তরণী !

ওইরে নগরী, জনতারণ্য,
শত রাজপথ, গৃহ অগণ্য,
কতই বিপণি, কতই পণ্য

কত কোলাহল-কাকলি !
কত না অর্থ, কত অনর্থ
আবিল করিছে স্বর্গমর্ত্য,
তপনতপ্ত ধূলি-আবর্ত

উঠিছে শূন্য আকুলি ।
সকলি ক্ষণিক, খণ্ড, ছিন্ন,
পশ্চাতে কিছু বাধেনা চিহ্ন,
পলকে মিলিছে, পলকে ভিন্ন,
ছুটিছে মৃত্যু-পাথারে ।

করুণ রোদন, কঠিন হাস্য,
প্রভূত দম্ভ, বিনীত দাস্য,
ব্যাকুল প্রয়াস, নির্ভর ভাষ্য,
চলিছে কর্তারে কাতারে ।

নগর-সংগীত ।

হির নহে কিছু নিমেষ মাত্র,

চাহেনাক পিছু প্রবাসযাত্র,

বিরামবিহীন দিবসরাত্র

চলিছে আঁধারে আলোকে ।

কোন্ যাম্যামুগ কোথায় নিত্য

স্বর্ণ-ঝলকে করিছে নৃত্য,

তাহাবে বাঁধিতে লোলুপচিত্ত

ছুটিছে বৃদ্ধ বালকে ।

এ যেন বিপুল যজ্ঞকুণ্ড,

আকাশে আলোড়ি' শিখার শুণ্ড

হোমের অগ্নি মেলিছে তুণ্ড

ক্ষুধার দহন জ্বালিয়া ।

নরনারী সবে আনিয়া তূর্ণ,

প্রাণের পাত্র করিয়া চূর্ণ

বহির মুখে দিতেছে পূর্ণ

জীবন আহুতি ঢালিয়া ।

চারিদিকে ঘিরি যতেক ভক্ত

— স্বর্ণবরণ-মরণাসক্ত—

দিতেছে অস্থি, দিতেছে রক্ত,

সকল শক্তি সাধনা ।

চিত্রা ।

জলি' উঠে লিখা ভীষণ মস্ত্রে,
ধুমায়ে শূন্য সন্ধে, রন্ধে ;
লুপ্ত করিছে সূর্য্য চক্রে

বিশ্বব্যাপিনী দাহিনা ।

বায়ু দলবল হইয়া ক্ষিপ্ত
বিরি ঘিরি সেই অনল দীপ্ত
কাদিয়া গিরিছে অপরিতৃপ্ত,

হুঁসিয়া উষ্ণ স্বসনে ।

যেন প্রসারিয়া কাতর পক্ষ
কেঁদে উড়ে আসে লক্ষ লক্ষ
পক্ষী জননী, করিয়া লক্ষ্য

থাগুব-হৃত-অশনে !

বিপ্র ক্ষত্র বৈশ্য শূদ্র,
মিলিয়া সকলে মহৎ ক্ষুদ্র
থলেছে জীবন-যজ্ঞ ক্রদ্র

আবাল-বৃদ্ধ রমণী ।

হেরি এ বিপুল দহন-রঙ্গ
আকুল হৃদয় যেন পতঙ্গ,
ঢালিবারে চাহে আগন অঙ্গ

কাটিবারে চাহে ধমনী ।

নগর-সংগীত ।

হে নগরী, তব কেনিল মত্ত
উছসি' উছসি' পড়িছে সদ্য,
আমি ত'হা পান করিব অমৃত,

বিস্মৃত হব আপনা !

অগ্নি মানবের পাবাগী-ধাত্রী,
আমি হব তব মেলার ধাত্রী,
সুপ্তিবিহীন মত্তরাত্রি

জাগরণে করি' যাপনা !

ঘূর্ণ্যচক্র জনতা-সংঘ,
বন্ধনহীন মহা-আসঙ্গ,
তারি মাঝে আমি করিব ভঙ্গ

আপন গোপন স্বপনে ।

ক্ষুদ্র শাস্তি করি' তুচ্ছ,
পড়িব নিম্নে, চড়িব উচ্চ,
ধরিব ধ্বংসকর্তুর পুচ্ছ

বাহু বাড়াইব তপনে ।

নব নব খেলা খেলে অদৃষ্ট,
কখনো ইষ্ট, কভু অনিষ্ট,
কখনো তিক্ত, কখনো মিষ্ট,

স্বপন ঘা' দেয় তুলিয়া ।

চিত্রা ।

স্থখের হৃথের চক্রমধ্যে
কখনো উঠিব উধাও পদ্যে,
কখনো লুটিব গভীর গদ্যে,
নাগর-দোলায় ছুলিয়া ।

হাতে তুলি লব বিজয়বাণ,
আমি অশাস্ত, আমি অবাধ্য,
যাহা কিছু আছে অতি অসাধ্য
তাহারে ধরিব সবলে !

আমি নির্দম, আমি নৃশংস,
সবেতে বসাব নিজেব অংশ,
পবমুখ হতে কবিয়া ব্রংশ
তুলিব আপন কবলে ।

মনেতে জানিব সঙ্কীল পৃথ্বী
আমারি চবণ-আসন-ভিত্তি,
রাজ্যব বাজ্য, দস্যবৃত্তি,
কোন ভেদ নাহি উভয়ে ।

ধনসম্পদ করিব নস্য,
লুণ্ঠন করি আনিব শস্য,
অশ্বমেধেব মুক্ত অশ্ব
ছুটাব বিশ্বে অভয়ে !

নগর-সংগীত ।

নব নব কুধা, নূতন তৃষ্ণা,
নিত্যনূতন কল্পনিষ্ঠা,
জীবনগ্রহে নূতন পৃষ্ঠা

উলটিয়া যাব ঝরিতে ।

জটিল কুটিল চলেছে পশু,
নাহি তার আদি, নাহিক অন্ত,
উদ্দামবেগে ধাই তুরন্ত,

সিদ্ধু শৈল সরিতে ।

শুধু সম্মুখ চলেছি লক্ষ্যি'
আমি নীড়হারা নিশার পক্ষী,
তুমিও ছুটিছ চপলা লক্ষ্মী

আলোয়া-হাশ্বে ধাঁধিয়া ;
পূজা দিয়া পদে করি না ভিক্ষা,
বসিয়া করি না তব প্রতীক্ষা,
কে পারে জিনিবে হবে পরীক্ষা,

আনিব তোমাতে বাঁধিয়া !

মানবজন্ম নহেঁ ত নিত্য
ধনজনমান খ্যাতি ও বিত্ত
নহে তারা কারো অধীন ভৃত্য,
কাল-নদী ধায় অধীরা !

চিত্রা ।

তবে দাঁও ঢালি',—কেবল মাত্র
ছ চারি দিবস, ছ চারি রাত্র,—
পূর্ণ করিয়া জীবনপাত্র
জন-সংঘাত যদিরা !

পূর্ণিমা ।

পড়িতেছিলাম গ্রন্থ বসিয়া একেলা,
সঙ্গীহীন প্রবাসের শূন্য সন্ধ্যাবেলা
করিবারে পরিপূর্ণ। পণ্ডিতের লেখা
সমালোচনার তত্ত্ব ; পড়ে' হয় শেখা
সৌন্দর্য্য কাহারে বলে—আছে কি কি বীজ
কবিত্ব কলায় ;—শেলি, গেটে, কোল্‌রীজ
কার্‌ কোন্‌ শ্রেণী ! পড়ি' পড়ি' বহুক্ষণ
তাপিয়া উঠিল শির, শ্রান্ত হল মন,
মনে হল সব মিথ্যা, কবিত্ব কল্পনা
সৌন্দর্য্য স্মৃতি রস সকলি জল্পনা
লিপি-বণিকের ;—অন্ধ গ্রন্থকীটগণ
বহু বর্ষ ধরি' শুধু করিছে রচন

নগর-সংগীত।

শব্দ মরীচিকা জাল, আকাশের পরে
অকস্মৎ আলীস্যাবেশে হুলিবার তরে
দীর্ঘ রাত্রি দিন !

অবশেষে শ্রান্তি মানি
‘তন্ত্রাত্মুর চোখে, বন্ধ করি গ্রন্থখানি
ঘড়িতে দেখিছু চাহি দ্বিপ্রহর রাত্রি,
চমকি আসন ছাড়ি নিবাইছু বাতি।
যেমনি নিবিল আলো, উচ্ছ্বসিত শ্রোতে
মুক্ত ধারে, বাতায়নে, চতুর্দিক হতে
চকিতে পড়িল কক্ষে বক্ষে চক্ষে আসি
ত্রিভুবন বিপ্লাবিনী মোন সুধাহাসি !
হে স্নন্দরী হে প্রেমসী, হে পূর্ণ পূর্ণিমা,
অনন্তের অন্তরশায়িনী ! নাহি সোমা
তব রহস্যের ! এ কি মিষ্ট পরিহাসে
সংশয়ীর শুষ্ক চিত্ত সৌন্দর্য্য উচ্ছ্বাসে
মুহূর্ত্তে ডুবালে ? কখনু হুয়ারে এসে
মুখানি বাড়ায়ে, অতিসারিকার বেশে
আছিলে দাঁড়ায়ে, এক প্রান্তে, সুররাণী,
সুদূর নক্ষত্র হতে সাথে করে’ আনি’

চিত্রা ।

বিশ্বভরা নীরবতা ! আমি গৃহকোণে
তর্কজালবিজড়িত ঘন বাক্যবনে
শুষ্কপত্রপরিকীর্ণ অক্ষরেব পথে
একাকী ভ্রমিতেছিহু শূন্য মনোরথে,
তোমারি সন্ধানে ! উদ্ভাস্ত এ ভকতেরে
এতক্ষণ ঘুবাইলে ছণনাব ফেরে !
কি জানি কেমন করে' লুকায়ে দাঁড়ালে
একটি ক্ষণিক ক্ষুদ্র দীপের আড়ালে
হে বিশ্বব্যাপিনী লক্ষ্মী ! মুগ্ধ কর্ণপুটে
গ্রহ হতে গুটিকত বৃথা বাক্য উঠে'
আচ্ছন্ন করিয়াছিল কেমনে না জানি
লোকলোকান্তবপূর্ণ তব মৌন বাণী !

১৬ অগ্রহায়ণ,

পূর্ণিমা ।

১৩০২ ।

আবেদন ।

জয় হোক নহাবাণী ! রাজবাজেশ্বরী,
দীন ভৃত্যে কব দবা !

আবেদন ।

রাণী ।

সভা ভঙ্গ করি’

সকলেই গেল চলি’ যথাযোগ্য কাজে
আমার সেবকবৃন্দ বিশ্বরাজ্য মাঝে,
মোর আজ্ঞা মোর মান লয়ে শীর্ষদেশে
‘জয়শঙ্খ সগর্বে বাজায় ! সভাশেষে
তুমি এলে নিশান্তের শশাঙ্ক সমান
ভক্ত ভূত্য মোর ? কি প্রার্থনা ?

ভূত্য ।

মোর স্থান

সর্বশেষে, আমি তব সর্বাদম দাস
মহোত্তমে ! একে একে পরিভূক্ত আশ
সবাই আনন্দে যবে ঘরে ফিরে যায়
সেইক্ষণে আমি আসি নির্জন সভায় ;
একাকী আসীনা তব চরণতলের
প্রান্তে বসে’ ভিক্ষা মাগি শুধু সকলের
সর্ব অবশেষটুকু !

রাণী ।

অবোধ ভিক্ষুক,

অসময়ে কি তোরে মিলিবে ?

ভূত্য ।

হাসি মুখ

দেখে চলে’ যাব । আছে দেবী, আরো আছে ;—
নানা কৰ্ম নানা পদ নিল তোর কাছে

নানা জনে;—এক কৰ্ম কেহ চাহে নাই—
ভূত্যা পরে দয়া করে' দেহ মোরে তাই;—
আমি তব মালাঙ্কের হব মালাকর !

রাণী । মালাকর ?

ভূত্যা । ক্ষুদ্র মালাকর । অবসর
লব সব কাজে । যুদ্ধ-অস্ত্র ধনুঃশর
ফেলিল ভূতলে ; এ উষ্ণীয় রাজসাজ
রাখিল চরণে তব,—যত উচ্চ কাজ
সব ফিরে লও দেবী ! তব দূত করি
মোরে আর পাঠায়োনা, তব স্বর্ণতরী
দেশে দেশান্তরে লয়ে ; জয়ধ্বজা তব
দিগ্দিগন্তে করিয়া প্রচার, নব নব
দিগ্দিগন্তে পাঠায়োনা মোরে ! পর পারে
তব রাজ্য কৰ্ম বশ ধন জন ভারে
অসীমব্রিস্তৃত,—কত নগর নগরী,
কত লোকালয়, বন্দরেতে কত তরী,
বিপণীতে কত পণ্য ;—ওই দেখ দূরে
মন্দির শিখরে আর কত হর্য্যচূড়ে
দিগন্তে করিছে দংশন ; কলোচ্ছ্বাস
স্বসিয়া উঠিছে শূন্যে করিবারে গ্রাস

আবেদন ।

নক্ষত্রের নিত্য নীরবতা । বহু ভূত্যা
আছে হোথা, বহু সৈন্ত তব, জাগে নিত্য
কতই প্রহরী ! এ পারে নির্জন তীরে
একাকী উঠেছে উর্দ্ধে উচ্চ গিরিশিরে
ব্রজিত মেঘের মাঝে তুষারধবল
তোমার প্রাসাদ-সৌধ,—অনিন্দ্য নির্মল
চন্দ্রকান্ত মণিময় । বিজনে বিরলে
হেথা তব দক্ষিণের বাতায়ন তলে
মঞ্জরিত ইন্দুমল্লী বল্লরী বিতানে,
ঘনচ্ছায়ে, নিভৃত কপোত-কলগানে
একান্তে কাটিবে বেলা ; স্ফটিক আঙ্গণে
জলযন্ত্রে উৎসধারা কল্লোল-ক্রন্দনে
উচ্ছ্বসিবে দীর্ঘ দিন ছল ছল ছল—
মধ্যাহ্নে কবি দিবে বেদনা-বিহ্বল
করুণা-কাতর ; অদূরে অলিন্দপরে
পুঞ্জ পুচ্ছ বিস্ফারিতা স্ফীত গর্ভভরে
নাচিবে ভবন শিথী.—রাজহংসদল
চরিবে শৈবাল বনে করি কোলাহল
বাকাসে ধবলগ্রীবা ; পাটলা হরিণী
ফিরিবে শামল ছায়ে ; অগ্নি একাকিনী,

আমি তব মালঞ্চের হব মালাকর !

রাণী । ওরে তুই কৰ্ম্মভীক অলস কিস্কর,
কি কাজে লাগিবি ?

ভৃত্য । অকাজের কাজ যত,

আলস্যের সহস্র সঞ্চয় । শত শত
আনন্দের আয়োজন । যে অরণ্যপথে
কর তুমি সঞ্চরণ বসন্তে শরতে
প্রত্যাষে অরুণোদয়ে—প্লথ অঙ্গ হতে
তপ্ত নিদ্রালসখানি ব্রিঙ্ক বায়ুশ্রোতে
করি দিয়া বিসর্জন—সে বন-বীথিকা
রাখিব নবীন করি ; পুষ্পাঙ্করে লিখা
তব চরণের স্ততি প্রতাহ উষায়
বিকশি উঠিবে তব পরশ ভূষায়
পুলকিত তৃণপুঞ্জতলে । সন্ধ্যাকালে
যে মঞ্জু মালিকাখানি জড়াইবে ভালে
কবরী বেষ্টন করি,—আমি নিজ করে
রচি’ সে বিচিত্র মালা সাক্ষা যুথীস্তরে,
সাজায়ে স্তবর্ণ পাত্রে তোমার সম্মুখে
নিঃশব্দে ধরিব আসি অবনত মুখে,—

আবেদন ।

যেথায় নিভৃত কক্ষে, ঘন কেশ পাশ,
তিমির নির্ঝরসম উন্মুক্ত-উচ্ছ্বাস
তরঙ্গ-কুটিল, এলাইয়া পৃষ্ঠ পরে,
কনক মুকুর অঙ্কে, শুভ্র পদ্ম করে
‘বিনাইবে বেণী। কুমুদ সরসী কূলে
বসিবে যখন, সপ্তপর্ণ তরুশূলে
মালতী দোলায়—পত্রচ্ছদ-অবকাশে
পড়িবে ললাটে চক্ষে বক্ষে বেশবাসে
কৌতূহলী চন্দ্রমার সহস্র চুঘন ;—
আনন্দিত তনুখানি করিয়া বেঠন
উঠিবে বনের গন্ধ বাসনা-বিভোল
মৃদু মন্দ সঙ্গীরের মত । অনিমেঘে
যে প্রদীপ জলে তব শয্যা শিরোদেশে
সারা স্তম্ভনিশি, সুরনরস্বপ্নাভীত
নিদ্রিত শ্রীঅঙ্গপানে স্থির অকম্পিত
নিদ্রাহীন আঁখি মেলি—সে প্রদীপখানি
আমি আলাইয়া দিব গন্ধতৈল আনি ।
শেফালির বৃন্ত দিয়া রাঙাইব, রাণী,
বসন বাসন্তী রঙে ; পাদপীঠখানি

নব ভাবে নব রূপে শুভ আলিঙ্গনে
 প্রত্যহ রাখিব অঙ্কি কুঙ্কুমে চন্দনে
 কল্লনার লেখা ! নিকুঞ্জের অমৃতর,
 আমি তব মালঞ্চের হব মালাকর !

রাণী । কি লইবে পুরস্কার ?

ভৃত্য । প্রত্যহ প্রভাতে

ফুলের কঙ্কণ গড়ি, কমলের পাতে
 আনিব যখন,—পদ্মের কলিকাসম
 ক্ষুদ্র তব মুষ্টিখানি করে ধরি মম
 আপনি পরায়ে দিব, এই পুরস্কার ।
 প্রতি সন্ধ্যাবেলা, অশোকের রক্তকান্তে
 'চিত্রি' পদতল, চরণ-অঙ্গুলি-প্রান্তে
 লেশমাত্র রেণু—চুষ্কিয়া মুচ্ছিয়া লব
 এই পুরস্কার !

রাণী । ভৃত্য, আবেদন তব

করিমু গ্রহণ । আছে মোর বহু মন্ত্রী
 বহু সৈন্য বহু সেনাপতি,—বহু যন্ত্রী
 কৰ্ম্মযন্ত্রে রত,—তুই থাক্ চিরদিন
 স্বেচ্ছাবন্দী দাস, খ্যাতিহীন কৰ্ম্মহীন !

উর্কশী ।

রাজসভা বহিঃপ্রান্তে রবে তোর ঘর—

তুই মোর মালঞ্চের হবি মালাকর !

২২ অগ্রহায়ণ,

১৩০২ ।

উর্কশী ।

নহ মাতা, নহ কন্যা, নহ বধু, স্নানরি রূপসি,

হে নন্দনবাসিনী উর্কশি !

গোষ্ঠে যবে সন্ধ্যা নামে শ্রান্ত দেহে স্বর্ণাঞ্চল টানি’,

তুমি কোনো গৃহপ্রান্তে নাহি আল সন্ধ্যাদীপখানি ;

দ্বিধায় জড়িত পদে, কস্মবক্ষে নত্র নেত্রপাতে

স্মিতহাস্যে নাহি চল মলজ্জিত বাসর শয্যাতে

সুতক অর্ধরাতে ।

উষার উদয় সম অনবগুণ্ঠিতা

তুমি অকুণ্ঠিতা ।

বৃন্তহীন পুষ্পসম আপনাতে আপনি বিকশি

কবে তুমি ফুটলে উর্কশি !

আদিম বসন্তপ্রাতে উঠেছিলে মস্থিত সাগরে,
 ডানহাতে সুধাপাত্র, বিষভাণ্ড লয়ে বাম করে ;
 তরঙ্গিত মহাসিন্ধু মঙ্গলাস্ত ভূজঙ্গের মত
 পড়েছিল পদপ্রান্তে, উচ্ছ্বসিত ফণা লক্ষ শত
 করি অবনত ।

কুন্দশুভ্র নগ্নকাস্তি হুরেজ্জবন্দিতা,
 তুমি অনিন্দিতা ।

কোনোকালে ছিলে না কি মুকুলিকা বালিকা বয়সী
 হে অনন্ত যৌবনা উর্কশি !
 আঁধার পাথারতলে কার ঘরে বসিয়া একেলা
 মাণিক মুকুতা লয়ে করেছিলে শৈশবের খেলা,
 মণিদীপ দৌণ্ডকক্ষে সমুদ্রের কল্লোল সঙ্গীতে
 অকলঙ্ক হাস্যমুখে প্রবাল-পালঙ্কে ঘুমাইতে
 কার অঙ্কটিতে ?
 যখনি জাগিলে বিখে, যৌবনে গঠিতা
 পূর্ণ প্রস্ফুটিত ।

যুগ যুগান্তর হতে তুমি শুধু বিশ্বের প্রেমসী
 হে অপূর্ণ শোভনা উর্কশি !

উর্ধ্বশী ।

মুনিগণ ধ্যান ভাঙ্গি দেয় পদে তপস্যার ফল,
তোমারি কটাক্ষবাত্রে ত্রিভুবন যৌবনচঞ্চল,
তোমার মন্দির গন্ধ অক্লবায়ু বহে চারিভিত্তে,
মধুমত্ত ভৃঙ্গসম মুগ্ধ কবি ফিরে লুকু চিত্তে,
উদ্দাম সঙ্গীতে ।

নৃপুং 'গুঞ্জরি' যাও আকুল-অঞ্চলা
বিছাৎ-চঞ্চলা ।

সুবসভাতলে যবে মৃত্যু কর পুলকে উল্লসি'
হে বিলোল-হিলোল উর্ধ্বশী !
ছন্দে ছন্দে নাচি উঠে সিক্কুমাঝে তবঙ্গের দল,
শস্যশীর্ষে শিহবিয়া কাঁপি উঠে ধরার অঞ্চল,
তব স্তনহার হতে নভস্তলে থসি পড়ে তারা,
অকস্মাৎ পুরুষের বক্ষোমাঝে চিত্ত আত্মহারা,
নাচে রক্তধারা ।
দিগন্তে মেথলা তব টুটে আচম্বিতে
অগ্নি অসম্বৃতে !

স্বর্গের উদয়াচলে মূর্তিমতী তুমি হে উষসী,
হে ভুবনমোহিনী উর্ধ্বশী !

চিত্রা ।

জগতের অশ্রুধারে ধোত তব তরুর তনিয়া,
ত্রিলোকের হৃদিরক্তে আঁকা তব চরণ-শোণিমা,
মুক্তবেণী বিবসনে, বিকশিত বিশ্ব-বাসনার
অরবিন্দ মাঝখানে পাদপদ্ম রেখেছ তোমার
অতি লঘুভার ।

অখিল মানসস্বর্গে অনন্ত রঞ্জিনী,
হে স্বপ্ন সঙ্গিনি !

ওই শুন দিশে দিশে তোমা লাগি কাঁদিছে ক্রন্দসী—
হে নিষ্ঠুরা বধিরা উর্কশি !
আদিযুগ পুরাতন এ জগতে ফিরিবে কি আর,—
অতল অকূল হতে সিক্তকেশে উঠিবে আবার ?
প্রথম সে তমুখানি দেখা দিবে প্রথম প্রভাতে,
সর্কান্ন কাঁদিবে তব নিখিলের নয়ন আঘাতে
বারি বিন্দুপাতে !
অকস্মাৎ মহাধুধি অপূর্ব সঙ্গীতে
রবে তরঙ্গিতে ।

ফিরিবেনা ফিরিবেনা—অন্ত গেছে সে গৌরব শশী,
অস্তাচলবাসিনী উর্কশী ।

স্বৰ্গ হইতে বিদায় ।

তাই আজি ধরাভলে বসন্তের আনন্দ-উচ্ছ্বাসে
কায় চিরবিয়হের দীর্ঘশ্বাস মিশে বহে আসে,
পূৰ্ণিমা নিশীথে যবে দশদিকে পরিপূর্ণ হাসি,
দূরস্মৃতি কোথা হতে বাজায় ব্যাকুল-করা বাঁশি,
ধরে অশ্রু-রাশি !

তবু আশা জেগে থাকে প্রাণের ক্রন্দনে
অগ্নি অবন্ধনে !

১৩ অগ্ৰহায়ণ,

১৩৬২।

স্বৰ্গ হইতে বিদায় ।

মান হয়ে এল কণ্ঠে মন্দার মালিকা,
হে মহেন্দ্র, নিরূপিত জ্যোতিৰ্ময় টীকা
মলিন ললাটে ;—পুণ্যবল হল ক্ষীণ,
আজি মোর স্বৰ্গ হতে বিদায়ের দিন
হে দেব হে দেবীগণ ! বর্ষ লক্ষশত
ষাপন করেছি হর্ষে দেবতার মত

দেবলোকে । আজি শেষ বিচ্ছেদের ক্ষণে
 লেশমাত্র অশ্রুরেখা স্বর্গের নয়নে
 দেখে যাব এই আশা ছিল ! শোকহীন
 হৃদিহীন সুখস্বর্গভূমি, উদাসীন
 চেয়ে আছে ; লক্ষ লক্ষ বর্ষ তার
 চক্ষের পলক নহে ;—অস্থখ শাখার
 প্রান্ত হতে খসি গেলে জীর্ণতম পাতা
 যতটুকু বাজে তার, ততটুকু ব্যথা
 স্বর্গে নাহি লাগে, যবে মোরা শত শত
 গৃহচ্যুত হতজ্যোতি নক্ষত্রের মত
 মুহূর্তে খসিয়া পড়ি দেবলোক হতে
 ধরিজীর অন্তহীন জন্মমৃত্যু স্রোতে ।
 সে বেদনা বাজিত যদ্যপি, বিরহের
 ছায়ারেখা দিত দেখা, তবে স্বর্গের
 চিরজ্যোতি স্নান হত মর্ত্যের মতন
 কোমল শিশিরবাস্পে ;—নন্দনকানন
 মর্ম্মরিয়া উঠিত নিঃস্বসি, মন্দাকিনী
 কূলে কূলে গেয়ে যেত করুণ কাহিনী
 কলকণ্ঠে, সন্ধ্যা আসি দিবা অবসানে
 নির্জল প্রান্তর পারে দিগন্তের পানে

স্বৰ্গ হইতে বিদায়।

চলে যেত উদাসিনী ; নিস্তরু নিশীথ
ঝিল্লিমস্ত্রে শুনাইত বৈরাগ্য সঙ্গীত
নক্ষত্র সভায় ! মাঝে মাঝে সুরপুরে
নৃত্যপরা মেনকার কনক নুপুরে
তালভঙ্গ হত। হেলি উৰ্বশীর স্তনে
স্বৰ্ণবীণা থেকে থেকে যেন অশ্রু মনে
অকস্মাৎ ঝঙ্কারিত কঠিন পীড়নে
নিদারুণ করুণ মুচ্ছনা ! দিত দেখা
দেবতার অশ্রুহীন চোখে জলরেখা
নিষ্কারণে। পতিপাশে বসি একাসনে
সহসা চাহিত শচী ইন্দ্রের নয়নে
যেন খুঁজি পিপাসার বারি ! ধরা হতে
মাঝে মাঝে উচ্ছ্বসি আসিত বায়ু স্রোতে
ধরণীর সুদীর্ঘ নিঃশ্বাস—খসি ঝরি'
পড়িত নন্দনবনে কুসুম মঞ্জরী !

থাক স্বৰ্গ হাশ্ব মুখে, কর স্মৃতিপান
দেবগণ ! স্বৰ্গ তোমাদেরি স্মৃতিস্থান—
মোরা পরবাসী। মর্ত্তভূমি স্বৰ্গ নহে,
সে যে মাতৃভূমি—তাই তার চক্ষে বহে

অশ্রু জলধারা, যদি ছুদিনের পরে
 কেহ তারে ছেড়ে যায় ছদণ্ডের তরে !
 যত ক্ষুদ্র যত ক্ষীণ যত অভাজন
 যত পাপী তাপী, মেলি' ব্যগ্র আলিঙ্গন
 সবারে কোমলবক্ষে বাঁধিবারে চায়—
 ধূলিমাখা তনুস্পর্শে হৃদয় জুড়ায়
 জননীর । স্বর্গে তব বরুক্ অমৃত,
 মর্ত্যে থাক্ স্নেহে দুঃখে অনন্ত মিশ্রিত
 প্রেমধারা—অশ্রু জলে চিরশ্রাম করি
 ভূতলের স্বর্গখণ্ডগুলি !

হে অশ্রুরি,
 তোমার নয়নজ্যোতি প্রেমবেদনায়
 কভু না হউক্ ম্লান—লইলু বিদায় ;
 তুমি কারে করনা প্রার্থনা—কারো তরে
 নাহি শোক ! ধরাতলে দীনতম ঘরে
 যদি জন্মে প্রেমসী আমার, নদী তীরে
 কোনো এক গ্রামপ্রান্তে প্রচ্ছন্ন কুটারে
 অশ্রুছায়ায়, সে বালিকা বক্ষে তার
 রাখিবে সঞ্চয় করি সুধার ভাণ্ডার

স্বর্গ হইতে বিদায় ।

আমারি লাগিয়া সবতনে । শিশুকালে
নদীকূলে শিবমূর্তি গড়িয়া সকালে
আমারে মাগিয়া লবে বর । সন্ধ্যা হলে
জলন্ত প্রদীপখানি ভাসাইয়া জলে
শঙ্কিত কম্পিত বক্ষে চাহি একমনা
কহিবে সে আপনার দোজাগ, গণনা
একাকী দাঁড়ায়ে ঘাটে । একদা স্মরণে
আসিবে আমার ঘরে স্নত নয়নে
চন্দনচর্চিত ভালে রক্ত পট্টাঘরে,
উৎসবের বাঁশরী সঙ্গীতে । তার পরে
সুদিনে ছুদিনে, কল্যাণ কঙ্কণ করে,
সীমন্ত সীমায় মঙ্গল সিন্দুর বিন্দু,
গৃহ লক্ষ্মী হঃখে স্থখে, পূর্ণিমার ইন্দু
সংসারের সমুদ্র শিয়রে ! দেবগণ,
মাঝে মাঝে এই স্বর্গ হইবে স্মরণ
দূর স্বপ্ন সম—যবে কোনো অধ্বরাতে
সহসা হেরিব জাগি' নিশ্চল শয্যাতে
পড়েছে চক্রে আলো, নিদ্রিতা প্রেয়সী,
লুপ্তিত শিথিল বাহ, পড়িয়াছে খনি'

গ্রহি সরমের ;—মৃচ্ সোহাগ চুষনে
 সচকিতে জাগি উঠি গাঢ় আলিঙ্গনে
 লতাইবে বক্ষে মোর—দক্ষিণ অনিল
 আনিবে ফুলের গন্ধ, জাগ্রত কোকিল
 গাহিবে সুদূর শাখে ।

অয়ি দীনহীনা,
 অশ্রুআঁখি হুঃখাতুরা জননী মলিনা,
 অয়ি মর্ত্যভূমি ! আজি বহুদিন পরে
 কাঁদিয়া উঠেছে মোর চিত্ত তোর তরে ।
 যেমনি বিদায় হুঃখে গুহু হুই চোখ
 অশ্রুতে পূরিল—অমনি এ স্বর্গলোক
 অলস কল্পনা প্রায় কোথায় মিলালো
 ছায়াচ্ছবি ! তব নীলাকাশ, তব আলো,
 তব জনপূর্ণ লোকালয়—সিঙ্কুতীরে
 সুদীর্ঘ বালুকাতট, নীল গিরি শিরে
 শুভ্রহিমরেখা, তরুশ্রেণীর মাঝারে
 নিঃশব্দ অরুণোদয়, শূন্য নদীপারে
 অবনতমুখী সন্ধ্যা,—বিন্দু অশ্রুজলে
 যত প্রতিবিম্ব যেন দর্পনের তলে
 পড়েছে আদিয়া ।

স্বৰ্গ হইতে বিদায় ।

হে জননী পুত্রহাবা,
শেষ বিচ্ছেদেব দিনে যে শোকাশ্রধাবা
চক্ষু হতে ঝরি পড়ি তব মাতৃস্তন
কবেছিল অভিষিক্ত—আজি এতক্ষণ
সে অশ্রু শুকায়ে গেছে , তবু জানি মনে
যথনি ফিবিব পুনঃ তব নিকেতনে
তথনি ছুখানি বাছ ধবিবে আন্মায়,
বাজিবে মঙ্গলশঙ্খ, মেহেব ছায়ায়
হুঃখে সুখে ভষে ভবা প্রেমের সংসাবে
তব গেহে, তব পুত্র কণ্ঠাব মাঝারে,
আমারে লইবে চির পবিচিত্র সম,—
তাব পর দিন হতে শিষ্যবেতে মম
সাবাক্ষণ জাগি ববে কম্পমান প্রাণে,
শঙ্কিত অন্তবে, উর্দ্ধে দেবতার পানে
মেলিয়া করুণ দৃষ্টি—চিস্তিত সদাই
যাহারে পেয়েছি তাবে কখন হাবাই !

২৪ অগ্রহায়ণ,

১৩০২ ।

দিনশেষে ।

দিন শেষ হয়ে এল, অঁধারিল ধরণী ;

আর বেয়ে কাজ নাই তরণী ।

“হাঁগো এ কাদের দেশে

বিদেশী নামিহু এসে,”

জঁহারে শুধাহু হেসে যেমনি—

অমনি কথা না বলি’

ভরা ঘট ছলছলি’

নতমুখে গেল চলি তরণী !

এ ঘাটে বাঁধিব মোর তরণী ।

নামিছে নীরব ছায়া ঘন বন-শয়নে,

এদেশ লেগেছে ভাল নয়নে ।

স্থির জলে নাহি সাড়া,

পাতাগুলি গতিহারা,

পাখী যত ঘুমে সারা কাননে,—

শুধু এ সোনার সাঁঝে

বিজনে পথের মাঝে

দিনশেষে ।

কলস কাঁদিয়া বাজে কাঁকণে ।

এদেশ লেগেছে ভাল নয়নে ।

ঝলিছে মেঘের আলো কনকের ত্রিশূলে,

দেউটি জলিছে দূরে দেউলে ।

শ্বেত পাথরেতে গড়া

পথথানি ছায়া-করা,

ছেয়ে গেছে ঝরে'-পড়া বকুলে ।

সারি সারি নিকেতন,

বেড়া দেওয়া উপবন,

দেখে পথিকের মন আকুলে ।

দেউটি জলিছে দূরে দেউলে ।

রাজার প্রাসাদ হতে অতি দূর বাতাসে

ভাসিছে পূরবী গীতি আকাশে ।

ধরণী সমুখপানে

চলে গেছে কোন্‌খানে,

পরাণ কেন কে জানে উল্লাসে !

ভাল নাহি লাগে আর

আসা যাওয়া বারবার

বহু দূর ছরাশার প্রবাসে ।
পূরবী রাগিণী বাজে আকাশে ।

কাননে প্রাসাদচূড়ে নেমে আসে রজনী,
আব বেয়ে কাজ নাই তরণী !
যদি হোথা খুঁজে পাই
মাথা রাখিবাব ঠাই,
বেচাকেনা ফেলে যাই এখনি,—
যেখানে পথের বাঁকে
গেল চলি নত আঁখে
তবা ষট লয়ে কাঁখে তরুণী !
এই ঘাটে বাঁধ মোর তরুণী !

২৮ অগ্রহায়ণ,

১৩০২ ।

সান্ত্বনা ।

কোথা হতে ডেই ঢেঙ্গ ভবে' নিয়ে এলে জল
হে প্রিয় আমান !

সান্ত্বনা ।

হে ব্যথিত, হে অশান্ত, বল আজি গাঁব গান

কোন্ সান্ত্বনার ?

হেথায় প্রান্তর পারে

নগরীর এক ধারে

সাম্রাজ্যের অন্ধকারে

আলি দীপখানি

শূন্য গৃহে অন্য মনে

একাকিনী বাতায়নে

বসে আছি পুষ্পাসনে

বাসরের রাণী ;—

কোথা বক্ষে বিধি কাঁটা ফিরিণে আপন নীড়ে

হে আমার পাখী !

ওরে ক্লিষ্ট, ওরে ক্লান্ত, কোথা তোর বাজে ব্যথা,

কোথা তোরে রাখি ?

চারিদিকে তমস্বিনী রজনী দিয়েছে টানি

মায়ামন্ত্র-ঘের ;

হৃদয় রেখেছি ক্রিদি, চেয়ে দেখ কিছু হেথা

নাহি বাহিরেব ।

এ যে দুজনের দেশ,

নিখিলের সব শেষ,

মিলনের রসাবেশ

অনন্ত ভবন ;

শুধু এই এক যবে

দুখানি হৃদয় ধরে,

দুজনে সৃজন করে

নূতন ভবন ।

একটি প্রদীপ শুধু এ আঁধারে যতটুকু

আলো করে রাখে

সেই আমাদের বিশ্ব, তাহার বাহিরে আর

চিনি না কাহাকে !

একখানি বীণা আছে, কভু বাজে মোর বুকে

কভু তব কোরে,

একটি রেখেছি মালা, তোমাবে পরায়ে দিলে

তুমি দিবে যোরে ।

এই শয্যা রাজধানী,

আদ্যেক আঁচলখানি

শাস্ত্রনা।

বন্ধ হতে লয়ে টানি

পাতিব শয়ন,

একটি চুম্বন গড়ি

দৌহে লব ভাগ করি,

এ রাজত্বে, মরি মরি,

এত আয়োজন !

একটি গোলাপ ফুল রেখেছি বন্ধের মাঝে,

তব ভ্রাণ শেষে

আমারে ফিরায়ে দিলে অধরে পরশি' তাহা

পরি লব কেশে !

আজ করেছিনু মনে তোমায়ে করিব রাজা

এই রাজ্যপাটে,

এ অমর বরমালা আপনি ঘটনে তব

জড়াব জ্বালাটে।

মঙ্গল প্রদীপ ধরে'

লইব বরণ করে',

পুষ্প-সিংহাসন পরে

বসাব তোমাঘ,

চিত্রা ।

তাই গাথিয়াছি হার,

আনিয়াছি ফুলভার,

দিয়েছি নূতন তার

কনক বীণায়;

আকাশে নক্ষত্রসভা নীরবে বসিয়া আছে

শান্ত কোতূহলে—

আজি কি এ মালাখানি সিক্ত হবে, হেঁ রাজন,

নয়নের জলে ?

রুদ্ধকণ্ঠ, গীতহারা ! কহিয়োনা কোনো কথা,

কিছু শুধাবনা !

নীরবে লইব প্রাণে তোমার হৃদয় হতে

নীরব বেদনা !

প্রদীপ নিবিয়ে দিব,

বক্ষে মাথা তুলি নিব,

মিষ্ট করে পরশিব

সজল কপোল,—

বেগীমুক্ত কেশজাল

স্পর্শবে তাপিত ভাল

শেষ উপহার ।

কোমল বকের তার

মুহম্মদ দোল !

নিঃশ্বাস বীজনে মোর কাঁপবে কুন্তল তব,

মুদিবে নয়ন—

অধরাতে শাস্ত্রবায়ে নিদ্রিত ললাটে দিব

একটি চুষন ।

২৯ অগ্রহায়ণ,

১৩০২ ।

শেষ উপহার ।

যাহা কিছু ছিল সব দিই শেষ করে’

ডালাখানি ভরে,—

কাল কি আনিয়া দিব যুগল চরণে

তাই ভাবি মনে ।

বসন্তে সকল ফুল নিঃশেষে ফুটায় দিয়ে

তরু তার পরে

একদিনে দীনহীন, শূণ্ণে দেবতার পানে

চাহে রিক্ত করে !

চিত্রা।

আজি দিন শেষ হলে ম্লান মোর গান
হয় অবসান,
কাল প্রাতে এ গানের স্মৃতিস্মৃথ লেশ
রবে না কি শেষ ?
শূন্য থালে মোনকণ্ঠে নতমুখে আসি যদি
তোমার সম্মুখে,
তখন কি অগোরবে চাহিবে না একবার
ভক্তের মুখে ?

দিই নি কি প্রাণপূর্ণ হৃদিপদ্মখানি
পাদপদ্মে আনি ?
দিইনি কি কোনো ফুল অমর করিয়া
অশ্রুতে ভরিয়া ?
এত গান গাহিয়াছি, তার মাঝে নাহি কি গো
হেন কোনো গান
আমি চলে গেলে তবু বহিবে যে চিরদিন
অনন্ত পরাণ ?

সেই কথা মনে করে দিবে না কি, নব
বরমালা তব,

বিজয়িনী ।

ফেলিবে না আঁখি হতে একবিন্দু জল
করুণা-কোমল,
আমার বসন্তশেষে রিক্তপুষ্প দীনবেশে
নীরবে যে দিন
হলছিল আঁখিজলে দাঁড়াইব সভাতলে
উপহারহৌন ?

১ পৌষ,

১৩০২ ।

বিজয়িনী ।

অচ্ছাদ সরসীনীরে রমণী যেদিন
নামিলা স্নানের তরে, বসন্ত নবীন
সেদিন ফিরিতেছিল ভুবন ব্যাপিয়া
প্রথম প্রেমের মত কাঁপিয়া কাঁপিয়া
ক্ষণে ক্ষণে শিহরি শিহরি ! সমীরণ
প্রলাপ বকিতেছিল প্রাচ্য সঘন
পল্লবশয়ন তলে; মধ্যাহ্নের জ্যোতি
মুচ্ছিত বনের কোলে; কপোত দম্পতি

চিত্র।

বসি শান্ত অকম্পিত চম্পকের ডালে
ঘন চঞ্চু-চুষনের অবসর কালে
নিভুতে করিতেছিল বিহ্বল কুজন।

তীরে শ্বেত শিলাভূলে স্নানীল বসন
লুঠাইছে একপ্রান্তে স্থলিত-গৌরব
অনাদৃত,—শ্রীঅঙ্কের উত্তপ্ত সৌরভ
এখনো জড়িত তাহে,—আয়ু-পরিশেষ
মুচ্ছাষিত দেহে যেন জীবনের লেশ,—
লুটায় মেখলাখানি ত্যজি কটদেশ
মৌন অপমানে;—নুপুর রয়েছে পড়ি;
বঙ্কের নিচোল বাস' যায় গড়াগড়ি
ত্যজিয়া যুগল স্বর্গ কঠিন পাষাণে।
কনক দর্পণ খানি চাহে শূন্যপানে
কার মুখ স্মরি! স্বর্ণপাত্রের স্নানজিত
চন্দন কুঙ্কমপঙ্ক, লুপ্তিত লজ্জিত
দুটি রক্ত শতদল, অগ্নান স্নানর
শ্বেত করবীর মালা,—ধৌত শুক্লাশ্বর
লঘু স্বচ্ছ, পূর্ণিমার আকাশের মত।

বিজয়িনী ।

পরিপূর্ণ নীল নীর স্থির অনাহত —
কূলে কূলে প্রসারিত বিহ্বল গভীর
বুকভরা আলিঙ্গন রাশি ! সরসীর
প্রান্তদেশে, বকুলের ঘনচ্ছায়া তলে
শ্বেত শিলাপটে, আবক্ষ ডুবায়ে জলে
বসিয়া সুন্দরী,—সকম্পিত ছায়াখানি
প্রসারিয়া স্বচ্ছনীরে—বক্ষে লয়ে টানি
সযত্নপালিত শুভ্র রাজহংসীটিরে
করিছে সোহাগ,—নগ্ন বাহুপাশে ঘিরে
সুকোমল ডান্না দুটি, লম্ব গ্রীবা তার
রাখি স্কন্ধ পরে, কহিতেছে বারম্বার
স্নেহের প্রলাপ বাণী—কোমল কপোল
বুলাইছে হংসপৃষ্ঠে পরশ-বিভোল ।

চৌদিকে উঠিতেছিল মধুর রাগিণী
জলে স্থলে নভস্তলে ; সুন্দর কাহিনী
কে যেন রচিতেছিল ছায়া রৌদ্রকরে
অরণ্যের সুপ্তি আর পাতার মর্ম্মরে
বসন্ত দিনের কত স্পন্দনে কম্পনে
নিঃশ্বাসে উচ্ছ্বাসে ভাষে আভাসে গুঞ্জনে

চিতা ।

চমকে ঝলকে । যেন আকাশ-বীণার
রবি-রশ্মী-তন্ত্রীগুলি হ্রবালিকার
চম্পক অঙ্গুলিঘাতে সঙ্গীত ঝঙ্কারে
কাঁদিয়া উঠিতেছিল—মৌন স্তব্ধতায়
বেদনায় পীড়িয়া মুচ্ছিয়া । তরুতলে
শ্মলিয়া পড়িতেছিল নিঃশব্দে বিরলে
বিবশ বকুলগুলি ; কোকিল কেবলি
অশ্রাস্ত গাহিতেছিল,—বিফল কাকলী
কাঁদিয়া ফিরিতেছিল বনাস্তর যুরে
উদাসিনী প্রতিধ্বনি ; ছায়ায় অদূরে
সবোধব প্রান্তদেশে ক্ষুদ্র নিরুঝরিণী
'কলনৃত্যে বাজাইয়া মাণিক্য কিস্কিণী
কল্লোলে মিশিতেছিল ;—তৃণাঙ্কিত তীরে
জল কলকল স্বরে মধ্যাহ্ন সমীরে
সারস ঘুমায়েছিল দীর্ঘ গ্রীবাখানি
ভঙ্গীভরে বাকাইয়া পৃষ্ঠে লয়ে টানি'
ধূসর ডানার মাঝে ; রাজহংসদল
আকাশে বলাকা বাঁধি সত্তর-চঞ্চল
তারাজ কোন্ দূর নদী-সৈকত-বিহার
উড়িয়া চলিতেছিল গলিত-নীহার

বিজয়িনী ।

কৈলাসের পানে । বহু বনগন্ধ বহে'
অকস্মাৎ শ্রান্ত বায়ু উত্তপ্ত আগ্রহে
লুটায় পড়িতেছিল সুদীর্ঘ নিঃশ্বাসে
মৃগ সরসীর বক্ষে মিশ্র বাহুপাশে ।

মদন, বসন্তসখা, ব্যগ্র কৌতূহলে
লুকায়ে বসিয়াছিল বকুলের তলে
পুষ্পাসনে, হেলায় হেলিয়া তরুপরে
প্রসারিয়া পদযুগ নব তৃণস্তরে,
পীত উত্তরীয় প্রান্ত লুপ্তিত ভূতলে,
গ্রহিত মালতী মালা কুণ্ঠিত কুন্তলে,
গোর কণ্ঠতটে,—সহাস্য কটাক্ষ করি
কৌতুকে হেরিতেছিল মোহিনী সুন্দরী
তকণীর স্নানলীলা—অধীর চঞ্চল
উৎসুক অঙ্গুলি তানু, নির্মল কোমল
বক্ষস্থল লক্ষ্য করি লয়ে পুষ্পশর.
প্রতীক্ষা করিতেছিল নিজ অবসর ।
গুঞ্জরি ফিরিতেছিল লক্ষ মধুকর
ফুলে ফুলে ; ছায়াতলে সুপ্ত হরিণীরে
ক্ষণে ক্ষণে লেহন করিতেছিল দীবে

চিত্রা ।

বিমুগ্ধ-নয়ন মৃগ ; বসন্ত পরশে
পূর্ণ ছিল বনচ্ছায়া আলসে লালসে ।

জলপ্রান্তে ক্ষুধা ক্ষুধা কম্পন রাখিয়া,
সজল চরণচিহ্ন আঁকিয়া আঁকিয়া
সোপানে সোপানে, ভীরে উঠিলা কপসী ;
মুক্ত কেশভার পৃষ্ঠে পড়ি গেল খসি' ।
অঙ্গে অঙ্গে যৌবনেব তরঙ্গ উচ্ছল
লাবণ্যের মায়ামন্ত্রে স্থির অচঞ্চল
বন্দী হয়ে আছে—তারি শিখরে শিখবে
পড়িল মধ্যাহ্ন রোদ্র—ললাটে অধবে
উরুপরে কটিতটে স্তনাগ্র চূড়ায়
বাহুগুণে, —সিক্ত দেহে রেখায় রেখায়
ঝলকে ঝলকে । ঘিরি তার চারিপাশ
নিখিল বাতাস আর অনন্ত আকাশ
যেন এক ঠাই এসে আগ্রহে সন্নত
সর্বদা চুপ্তি তার,—নেবকের মত
সিক্ত তরু মুছি নিল আতপ্ত অঞ্চলে
সঘতনে,— ছায়াখানি রক্ত পদতলে

বিজয়িনী ।

চ্যুত বসনের মত রহিল পড়িয়া ;—
অরণ্য রহিল স্তব্ধ, বিশ্বয়ে মরিয়া !

তাজিয়া বকুলমূল মৃদুমন্দ হাসি'
উঠিল অনঙ্গদেব ।

সম্মুখেতে আসি
থমকিয়া দাঁড়াল সহসা । মুখপানে
চাহিল নিমেষহীন নিশ্চল নয়ানে
ক্ষণকাল তরে । পবক্ষণে ভূমিপরে
জাহ্নু পাতি' বসি, নির্ঝাক্ বিশ্বষভবে
নতশিরে, পুষ্পধনু পুষ্পশর ভাব
সমর্পিল পদপ্রান্তে পূজা-উপচার
তুণ শূন্য করি । নিরস্ত্র মদনপানে
চাহিলা স্তম্ভরী শাস্ত প্রসন্ন বয়ানে ।

১ মাঘ,

১৩০২ ।

গৃহ-শত্রু ।

আমি একাকিনী যবে চলি রাজ পথে
 নব-অভিসার সাজে,
 নিশীথে নৌরব নিখিল ভুবন,
 না গাহে বিহগ, না চলে পবন,
 মৌন সকল পৌর ভবন

অশ্রু নগব মাঝে,

শুধু আমার নূপুর আমারি চরণে
 বিমরি বিমরি বাজে ;
 অধীর মুখর শুনিয়া সে স্বর
 পদে পদে মরি লাজে !

আমি চরণ শব্দ শুনিব বলিয়া
 বসি বাতায়ন কাছে,—
 অনিমেষ তারা নিবিড় নিশায়,
 লহরীর লেশ নাহি যমুনায়,
 জনহীন পথ আঁধারে মিশায়,
 পাতাটি কাঁপে না গাছে ;

শুধু আমারি উরসে আমারি হৃদয়
 উলসি বিলসি নাচে,

গৃহ-শত্রু ।

উতলা পাগল করে কলরোল
বাধন টুটলে বাঁচে ।

আমি কুসুম শয়নে মিলাই সরমে,—
মধুর মিলন রাতি ;
সুন্ধ যামিনী ঢাকে চারিধুর,
নির্ব্বাণ দীপ, রুদ্ধ ছয়ার,
শ্রাবণ গগন করে হাহাকার
তিমির শয়ন পাতি' ;

শুধু আমার মাণিক আমারি বক্ষে
জ্বালায়ে রেখেছে বাতি ;
কোথায় লুকাই, কেমনে নিবাই
নিলাজ ভ্রমণ ভাতি ।

আমি আমার গোপন মরমের কথা
রেখেছি মরম তলে ।
মলয় কহিছে আপন কাহিনী,
কোকিল গাহিছে আপন রাগিনী,
নদী বহি চলে কাঁদি একাকিনী
আপনার কলকলে ।

তু আমার কোলের আমারি বীণাটি
 গীত ঝঙ্কার ছলে
 যে কথা যখন করিব গোপন
 সে কথা তখন বলে ।

১৫ই মাঘ,

১৩০২ ।

মরীচিকা ।

কেন আসিতেছ মুগ্ধ মোর পানে ধেয়ে
 ও গো দিকভ্রান্ত পান্থ, তুষার্ত নয়ানে
 লুকু বেগে ! আমি যে তুষিত তোমা চেয়ে !
 আমি চিব দিন থাকি এ মরু শয়ানে
 সঙ্গীহারা । এ ত নহে পিপাসার জল,
 এ ত নহে নিকুঞ্জের ছায়া,—পক ফল
 মধুবসে ভরা,—এ ত নহে উৎসধাবে
 সিক্তিত সরস স্নিগ্ধ নবীন শাদল
 নয়ন নন্দন আমি । পল্লব মাঝারে
 কোথায় বিহঙ্গ, কোথা মধুকর দল !

উৎসব ।

শুধু জেনো, একখানি বহিস্ম শিখা
তপ্ত বাসনার তুলি আমার সম্বল,—
অনন্ত পিপাসা পটে এ কেবল লিখা
চির তৃষার্তের স্বপ্ন মায়া-মরীচিকা ।
১৬ই মার্চ,
১৩০২ ।

উৎসব ।

মোর অঙ্গে অঙ্গে যেন আজি বসন্ত উদয়
কত পত্র পুষ্পময় !
যেন মধুপের মেলা
গুঞ্জরিছে সারাবেলা,
হেলাভরে করে খেলা
অলস মলয় ।
ছায়া আলো অশ্রু হাসি
নৃত্য গীত বীণা বাঁশি,
যেন মোর অঙ্গে আদি
বসন্ত উদয়
কত পত্র পুষ্পময় !

তাই মনে হয় আমি আজি পরম সুন্দর,
 আমি অমৃত-নির্ঝর !
 সুখসিক্ত নেত্র মম
 শিশিরিত পুষ্পসম,
 ওষ্ঠে হাসি নিরুপম
 মাধুরী-মহুর ।
 মোর পুলকিত হিয়া
 সর্বদেহে বিলসিয়া
 বক্ষে উঠে বিকশিয়া
 পরম সুন্দর,
 নব অমৃত নির্ঝর ।

ওগো যে-তুমি আমার মাঝে নূতন নবীন
 সদা আছ নিশিদিন,
 তুমি কি বসেছ আজি
 নব বরবেশে সাজি
 কুন্তলে কুসুমরাজি
 অঙ্কে লয়ে বীণ ?
 ভবিষ্য আরতি থালা
 জালায়েছ দীপমালা

উৎসব ।

সাজায়েছ পুষ্প ডালা
নূতন নবীন,
আজি বসন্তের দিন ।

ওগো তুমি কি উতলাসম বেড়াইছ ফিরে
মোর হৃদয়ের তীরে ?
তোমারি কি চারিপাশ
কাঁপে শত অভিলাষ,
তোমারি কি পটুবাগ
উড়িছে সমীরে ?
নব গান তব মুখে
ধ্বনিছে আমার বুকে,
উচ্ছ্বসিয়া স্নেহে হৃথে
হৃদয়ের তীরে
তুমি বেড়াইছ ফিরে !

আজি তুমি কি দেখিছ এই শোভা রাশি রাশি
ওগো মনোবনবাসী !
আমার নিঃশ্বাসবায়
লাগিছে কি তব গায় ?

বাসনার পুষ্প পা'ষ

পড়িছে কি আসি ?

উঠিছে কি কলতান

মর্ম্মর গুঞ্জর গান,

তুমি কি কবিছ পান

মোব স্নধাবাশি

ওগো মনোবনবাসী !

আজি এ উৎসব কলরব কেহ নাহি জানে,

শুধু আছে তাহা প্রাণে ।

শুধু এ বক্ষের কাছে

কি জানি কাহাবা নাচে,

সর্ব্বদেহ মাতিয়াছে

শব্দহীন গানে ।

যৌবন-লাবণ্যধারা

অঙ্গে অঙ্গে পথহারা,

এ আনন্দ তুমি ছাড়া

কেহ নাহি জানে,—

তুমি আছ মোর প্রাণে ।

১২ মাঘ,

১৩০২ ।

—

প্রস্তর মূর্তি ।

প্রস্তর মূর্তি ।

হে নির্ঝাক্ অচঞ্চল পাষণ-সুন্দরী,
দাঁড়ায়ে রয়েছ তুমি কত বর্ষ ধরি’
অনন্দের অনাসক্তা চির একাকিনী
আপন সৌন্দর্য্য ধ্যানে দিবস যামিনী
তপস্যা-মগনা । সংসারের কোলাহল
তোমাতে আঘাত করে নিয়ত নিষ্ফল,—
জন্ম মৃত্যু দুঃখ সুখ অন্ত অভ্যুদয়
তরঙ্গিত চাব্বিদিকে চরাচরময়,
তুমি উদাসিনী ! মহাকাল পদতলে
মুগ্ধনেত্রে উদ্ধমুখে রাত্রিদিন বলে
“কথা কও, কথা কও, কথা কও প্রিয়ে,
কথা কও, মৌন বধু, রয়েছি চাহিয়ে !”
তুমি চির বাক্যহীনা, তব মহাবাগী
পাষণে আবদ্ধ, ওগো সুন্দরী পাষণী !

২৪ মাঘ,

১৩০২ ।

নারীর দান ।

একদা প্রাতে কুঞ্জ তলে

অন্ধ বালিকা

পত্রপুটে আনিয়া দিল

পুষ্প মালিকা ।

কণ্ঠে পরি অশ্রু জল

ভরিল নয়নে ;

বক্ষে লয়ে চুমিলু তার

মিথু বয়নে ।

কহিলু তারে “অন্ধকারে

দাঁড়ায়ে রমণী

কি ধন তুমি করিছ দান

না জান আপনি !

পুষ্পসম অন্ধ তুমি

অন্ধ বালিকা,

দেখনি নিজে মোহন কি যে

তোমার মালিকা !”

২৫ মাঘ,

১৩০২ ।

জীবন দেবতা ।

জীবন দেবতা ।

ওহে অন্তরতম,
মিটেছে কি তব সকল তিয়াষ
আসি অন্তরে মম ?
হুঃখ স্তব্ধের লক্ষ ধারায়
পাত্র ভরিয়া দিয়েছি তোমায়,
নিষ্ঠুর পীড়নে নিঙাড়ি বক্ষ
দলিত দ্রাক্ষাসম !
কত যে বয়ণ, কত যে গন্ধ,
কত যে রাগিণী, কত যে ছন্দ,
গাঁথিয়া গাঁথিয়া করেছি বয়ন
বাসর শয়ন তব,—
গলায়ে গলায়ে বাসনার সোনা
প্রতিদিন আমি করেছি রচনা
তোমার ক্ষণিক খেলার লাগিয়ু
মূরতি নিত্যনব !

আপনি বরিয়া লয়েছিলে মোরে

লেগেছে কি ভাল হে জীবননাথ
আমার রজনী আমার প্রভাত,
আমার নশ্ব, আমার কশ্ব

তোমার বিজন বাসে ?

বরষা শরতে বসন্তে শীতে
ধ্বনিয়াছে হিয়া যত সঙ্গীতে
শুনেছ কি তাহা একেলা বসিয়া

আপন সিংহাসনে ?

মানস কুসুম তুলি অঞ্চলে
গেঁথেছ কি মালা, পরেছ কি গলে,
আপনার মনে করেছ ভ্রমণ

মম যৌবনবনে ?

কি দেখিছ বঁধু মরম-মাঝারে

রাখিয়া নয়ন ছুটি ?

করেছ কি ক্ষমা যতেক আমার

অলন পতন ক্রটি ?

পূজাহীন দিন, সেবাহীন রাত

কত বারবার ফিরে গেছে নাথ,

জীবন দেবতা ।

অর্থ্যকুসুম ঝরে গড়ে গেছে

বিজন বিপিনে ফুটি ।

যে সুরে বাঁধিলে এ বীণার তার

নামিয়া নামিয়া গেছে বারবার,

হে কবি, তোমার রচিত রাগিণী

আমি কি গাহিতে পারি ?

তোমার কাননে সেচিবারে গিয়া

ঘুমায়ে পড়েছি ছায়ায় পড়িয়া,

সন্ধ্যাবেলায় নয়ন ভরিয়া

এনেছি অশ্রুবারি !

এখন কি শেষ হয়েছে প্রাণেশ

যা কিছু আছিল মোর ?

যত শোভা যত গান যত প্রাণ,

জাগরণ, ঘুমঘোর ?

শিথিল হয়েছে বাহুবন্ধন,

মদিরাবিহীন মন চুষন,

জীবনকুঞ্জে অভিসার-নিশা

আজি কি হয়েছে ভোর ?

ভেঙ্গে দাও তবে আজিকার সভা,
 আন নব রূপ, আন নব শোভা,
 নূতন করিয়া লহ আরবার
 চির-পুৰাতন মোরে ।
 নূতন বিবাহে বঁধবে আমায়
 নবীন জীবন ভোরে ।

২৯ মাঘ,

১৩০২ ।

রাত্রে ও প্রভাতে ।

কালি মধু যামিনীতে জ্যোৎস্না নিশীথে
 কুঞ্জকাননে স্তখে
 ফেনিলোচ্ছল যৌবন সুরা
 ধরেছি তোমার মুখে ।
 তুমি চেয়ে মোর আঁখিপরে
 ধীরে পাত্র লয়েছ করে,
 হেসে করিয়াছ পান চুষনভবা
 সরস বিদ্বাদরে,

রাত্রে ও প্রভাতে ।

কালি মধু ঘামিনীতে জ্যোৎস্না নিশীথে
মধুর আবেশ ভরে ।

তব অবগুষ্ঠন থানি
আমি খুলে ফেলেছিছ টানি',
আমি কেড়ে রেখেছিছ বক্ষে, তোমার
কমল-কোমল পাণি ।

ভাবে নিমীলিত তব যুগল নয়ন
মুখে নাহি ছিল বাণী !

আমি শিখিল করিয়া পাশ
খুলে দিয়েছিছ কেশরাশ,
তব আনমিত মুখখানি
সুখে খুয়েছিছ বুকে আনি,

তুমি সকল সোহাগ সয়েছিলে, সখি,
হাসি-মুকুলিত মুখে,

কালি মধুঘামিনীতে জ্যোৎস্না-নিশীথে
নবীন মিলন সুখে ।

আজি নিশ্চলবার শান্ত উষায়
নির্জল নদীতীরে

মান অবসানে গুভবসনা

চলিয়াছ ধীরে ধীরে !

তুমি বামকরে লয়ে সাজি

কত তুলিছ পুষ্প রাজি,

দূরে দেবালয় তলে উষার রাগিণী

বাঁশিতে উঠিছে বাজি,

এই নিশ্চলবায় শান্ত উষায়

জাহ্নবী গীরে আজি !

দেবি, তব সীঁথিমূলে লেখা

নব অরুণ সিঁদূব রেখা,

তব বাম বাহু বেড়ি শঙ্খ বলয়

তরুণ ইন্দুলেখা ।

এ কি মঙ্গলময়ী মুরতি বিকাশি'

প্রভাতে দিয়েছ দেখা ।

রাতে প্রেমদীর রূপ ধরি

তুমি এসেছ প্রাণেশ্বরি,

প্রাতে কথনু দেবীর বেশে

তুমি সমুখে উদিলে হেসে !

আমি সঙ্কমভরে বেষেছি দাঁড়ায়ে

দূরে অবনত শিরে

১৪০০ শাল।

আজি নিখিলবার শান্ত উষার
 নির্জন নদীতীরে !

১ ফাস্তন,
১৩০২ ।

১৪০০ শাল।

আজি হতে শত বর্ষ পরে
কে তুমি পড়িছ বসি আমার কবিতাখানি
কোতূহল ভরে
আজি হতে শতবর্ষ পরে।
আজি নব বসন্তের প্রভাতের আনন্দের
লেশমাত্র ভাগ—
আজিকার কোনো ফুল, বিহঙ্গের কোনো গান,
আজিকার কোনো রক্তরাগ—
অমুরাগে সিক্ত করি পারিব না পাঠাইতে
তোষাঙ্গের করে
আজি হতে শতবর্ষ পরে !

তবু তুমি একবার খুলিয়া দক্ষিণ দ্বার

বসি বাতায়নে

সুদূর দিগন্তে চাহি কল্পনায় অবগাহি

ভেবে দেখো মনে—

এক দিন শতবর্ষ আগে

চঞ্চল পুলক রাশি কোন্ স্বর্গ হতে ভাসি

নিখিলের মর্মে আসি লাগে,—

নবীন ফাস্তুন দিন সকল বন্ধন হীন

উন্নত অধীব—

উড়ায়ে চঞ্চল পাখা পুষ্পরেণুগন্ধমাখা

দক্ষিণ সমীপ,—

সহসা আসিয়া ত্ববা রাঙায়ে দিয়েছে ধবা

যৌবনের রাগে

তোমাদেব শতবর্ষ আগে !

শে দিন উতলা প্রাণে, হৃদয় মগন গানে

কবি এক জাগে,—

কত কথা, পুষ্প প্রায় বিকশি তুলিতে চায়

কত অনুরাগে

একদিন শতবর্ষ আগে!

নীরব তন্ত্রী ।

আজি হতে শত বর্ষ পরে
এখন করিছে গান সে কোন্ নূতন কবি
তোমাদের ঘরে ?
আজিকার বসন্তের আনন্দ অভিবাধন
পাঠায়ে দিলাম তাঁর করে !
আমার বসন্তগান তোমার বসন্ত দিনে
ধ্বনিত হউক ক্ষণতরে
হৃদয় স্পন্দনে তব, ভ্রমর গুঞ্জনে নব,
পল্লব মর্ম্মরে
আজি হতে শত বর্ষ পরে ।

কাজিন,

১৩০২ ।

নীরব তন্ত্রী ।

“তোমার বীণায় সব তুর বাজে,
ওহে বীণ-কার,
তারি মাঝে কেন নীরব কেবল
একখানি তার” ?

“তব নদীতীরে হৃদি মল্লিরে
 দেবতা বিস্মাজে,
 পূজা সমাপিয়া এসেছি ফিরিয়া
 আপনার কাজে ।
 বিদায়ের ক্ষণে শুধাল পূজারী,—
 দেবীরে কি দিলে ?
 তব জনমের শ্রেষ্ঠ কি ধন
 ছিল এ নিধিলে ?—
 কহিলাম আমি—সঁপিয়া এসেছি
 পূজা-উপহার
 আমার বীণায় ছিল যে একটি
 সুবর্ণ তার ;
 যে তারে আমার হৃদয়বনের
 যত মধুকর
 ক্ষণেকে ক্ষণেকে ধ্বনিয়া তুলিত
 গুঞ্জন স্বর,—
 যে তারে আমার কোকিল গাহিত
 বসন্ত গান—
 সেইখানি আমি দেবতা চরণে
 করিয়াছি দান ।

তাই এ বীণায় বাজেনা কেবল
একখানি তার,—
আছে তাহা শুধু মৌন-মহৎ
পূজা-উপহার ।”

কান্দন,

১৩০২ ।

দুরাকাঙ্ক্ষা ।

কেন নিবে গেল বাতি ?
আমি অধিক যতনে চেকেছিছু তারে
জাগিয়া বাসবরাতি,
তাই নিবে গেল বাতি ।

কেন ঝরে গেল ফুল ?
আমি বন্ধে চাপিয়া ধরেছিছু তারে
চিস্তিত ভয়াকুল,
তাই ঝরে গেল ফুল ।

কেন মবে গেল নদী ?

আমি বাধ বাধি তারে চাহি ধব্বারে

পাইবারে নিরবধি—

তাই মবে গেল নদী ।

কেন ছিঁড়ে গেল তার ?

আমি অধিক আবেগে প্রাণপণ বলে

দিয়েছিলুম স্বাক্ষর —

তাই ছিঁড়ে গেল তার ।

৪ ফাস্তন,

১৩০২ ।

প্রোঢ় ।

যৌবন নদীব স্রোতে তীব্র বেগভরে

একদিন ছুটেছিলুম ; বসন্ত পবন

উঠেছিল উচ্ছ্বসিয়া, — তীর-উপবন

ছেয়েছিল ফুলফুলে ; — তরুশাখা পরে

গেয়েছিল পিককুল, — আমি ভাল করে’

দেখি নাই শুনি নাই কিছু — অনুরূপ

ছলেছিহু আলোড়িত তরঙ্গ শিখরে
মত্ত সস্তুরণে। আজি দিবা অবসানে
সমাপ্ত করিয়া খেলা উঠিয়াছি তীরে
বসিয়াছি আপনার নিভৃত কুটীরে,—
বিচিত্র কল্লোল গীত পাশিতেছে কানে,—
কত গন্ধ আসিতেছে সায়াক্স সমীরে ;
বিস্মিত নয়ন মেলি হেরি শূন্য পানে
গগনে অনন্তলোক জাগে ধীরে ধীরে।

৭ ফাল্গুন,

১৩০২।



ধূলি।

অয়ি ধূলি, অয়ি তুচ্ছ, অয়ি দীনহীনা,
সকলের নিম্নে থাক নীচতম জনে
বক্ষে বাধিবার তরে ;—সহি' সর্ব্ব ঘৃণা
কারে নাহি কর ঘৃণা। গৈরিক্স বসনে
হে ব্রতচারিণী তুমি সাজি উদাসীনা
বিশ্বজনে পালিতেছ আপন ভবনে !

নিজেরে গোপন করি', অয়ি বিমলিনা,
 সৌন্দর্য্য বিকশি তোল বিশ্বের নয়নে ;—
 বিস্তারিছ কোমলতা, হে শুষ্ক কঠিনা,
 হে দরিদ্রা, পূর্ণা তুমি রত্নে ধাত্তে ধনে !
 হে আত্মবিশ্বতা, বিশ্ব-চরণ-বিলীনা,
 বিশ্বতেরে ঢেকে রাখ অঞ্চল বসনে ।
 নূতনেরে নির্মিচাবে কোলে লহ তুলি,
 পুরাতনে বক্ষে ধব, হে জননী ধূলি !

১৫ ফাল্গুন,

১৩০২ ।

সিস্কু পারে ।

পউষ শ্রুথর শীতে জর্জর, ঝিল্লি-মুথর রাত্তি ;
 নিদ্রিত পুরী, নির্জন ঘর, নির্দীপ দীপ-বাতি ।
 অকাতর দেহে আছিহু মগন সুখ নিদ্রার ঘোরে.—
 তপ্ত শয্যা প্রিয়ার মতন সোহাগে ঘিরেছে মোরে ।
 হেনকালে হায় বাহির হইতে কে ডাকিল মোর নাম,
 নিদ্রা টুটিয়া সহসা চকিতে চমকিয়া বসিলাম ।

সিদ্ধ পাবে ।

ভীক্ষ শাণিত ভীরের মতন.মর্মে বাজিল স্বর,—
ঘন্ট বহিল ললাট.বাহিয়া রোমাঞ্চ কলেবর ।
ফেলি আবরণ, ত্যজিয়া শয়ন, বিরল-বসন বেশে
ছরু ছরু বুকে খুলিয়া ছয়ার বাহিরে দাঁড়াই এসে ।
দূর নদীপারে শূন্য শ্মশানে শৃগাল উঠিল ডাকি,
মাথার উপরে কেঁদে উড়ে গেল কোন্ নিশাচর পাখী ।
দেশি দুয়ারে রমণীমূৰ্তি অবগুণ্ঠনে ঢাকা,—
ক্লান্ত অশ্বে বসিয়া রয়েছে, চিত্রে যেন সে আঁকা ।
আরেক অশ্ব দাঁড়ায়ে রয়েছে পুঙ্খ ভূতল চূমে,
ধূম্রবরণ, যেন দেহ তার গঠিত শ্মশান ধূমে ।
নড়িল না কিছু আমারে কেবল হেরিল আঁখির পাশে,
শিহরি শিহরি সৰ্ব শরীর কাঁপিয়া উঠিল ত্রাসে ।
পাণ্ডু আকাশে খণ্ড চক্ৰ হিমালীর শানি মাথা ;
পল্লবহীন বৃদ্ধ অশ্ব শিহরে নগ্ন শাখা ।
নীরব রমণী অঙ্গুলি তুলি দিল ইঙ্গিত করি,—
মস্তমূক অচেতন সম চড়িছু অশ্ব' পরি ।
বিহ্যৎবেগে ছুটে যায় ঘোড়া,—বারেক চাহিছু পিছে,
ঘরদারি মোর বাষ্প সমান, মনে হল সব মিছে ।
কাতর রোদিন জাগিয়া উঠিল সকল হৃদয় ব্যোপে,
কণ্ঠেব কাছে স্তব্ধতিন বলে কে তাবে ধবিল চেপে ।

পথের ছধারে রুদ্ধ ছয়ারে দাঁড়ায়ে সোধ সারি,
 ঘরে ঘরে হায় স্তম্ভ শয্যায় ঘুমাইছে নরনারী ।
 নির্জন পথ চিত্রিতবৎ, সাড়া নাই সারা দেশে ।
 রাজার ছয়ারে দুইটি প্রহরী চুলিছে নিদ্রাবেশে ।
 শুধু থেকে থেকে ডাকিছে কুকুর স্বদূর পথের মাঝে,—
 গম্ভীর স্বরে প্রাসাদ শিখরে প্রহর ঘণ্টা বাজে ।

অফুরান পথ, অফুরান রাত্রি, অজানা নূতন ঠাই,
 অপরূপ এক স্বপ্ন সমান, অর্থ কিছুই নাই ।
 কি যে দেখেছিলুম মনে নাহি পড়ে, ছিল নাকো আগা গোড়া,-
 লক্ষ্যবিহীন তীরের মতন ছুটিয়া চলেছে ঘোড়া ।
 চরণে তাদের শব্দ বাজে না, উড়ে নাকো ধুলিরেখা,
 কঠিন ভূতল নাই যেন কোথা, সকলি বাষ্পে লেখা ।
 মাঝে মাঝে যেন চেনা চেনা মত মনে হয় থেকে থেকে,—
 নিমেষ ফেলিতে দেখিতে না পাই কোথা পথ বায় বৈকে ।
 মনে হ'ল মেঘ, মনে হ'ল পাখী, মনে হ'ল কিশলয়,
 ভাল করে যেই দেখিবারে যাই মনে হ'ল কিছু নয় ।
 দুই ধারে এ কি প্রাসাদের সারি ? অথবা তরুর মূল ?
 অথবা এ শুধু আকাশ জুড়িয়া আমারি মনের ভুল ?

মাকৈ মাকৈ চেয়ে দেখি রমণীর অবগুষ্ঠিত মুখে,—
 নীরব নিদ্রা বসিয়া রয়েছে, প্রাণ কেঁপে ওঠে বুকে !
 ভয়ে ভুলে যাই দেবতার নাম, মুখে কথা নাহি ফুটে ;
 হহ রবে বায়ু বাজে হুই কানে ঝোড়া চলে যায় ছুটে' !

চক্রে যখন অন্তে নামিল তখনো রয়েছে রাত্রি,
 পূর্নদিকের অলস নয়নে মেলিছে রক্ত ভাতি ।
 জনহীন এক সিদ্ধ পুলিনে অশ্ব থামিল আসি,—
 সমুখে দাঁড়িয়ে কৃষ্ণ শৈল গুহামুখ পরাকাশি' ।
 সাগরে না গুনি জল কলরব না গাহে উষার পাখী,
 বহিল না মৃদু প্রভাত পবন বনের গন্ধ মাখি ।
 অশ্ব হুইতে নামিল রমণী, আমিও নামি নীচে,
 অঁধার-বাদান গুহার মাঝারে চলিহু তাহার পিছে ।
 ভিতরে খোদিত উদার প্রাসাদ শিলাস্তম্ভ পরে,
 কনক শিকলে সোনার প্রদীপ ছলিতেছে থরে থরে ।
 ভিত্তির কায়ে গাষণ মূর্তি চিত্রিত আছে কত,
 অপকৃপ পাখী, অপকৃপ নারী, লতাপাতা নানা মত ।
 মাঝখানে আছে চাঁদোয়া খাটানো, মুক্তা কালরে গাঁথা,—
 তারিতলে মণি-পালক পরে অমল শয়ন পাতা ।

তারি ছই ধারে ধূপাধার হতে উঠিছে গন্ধধূপ,
 সিংহবাহিনী নারীর প্রতিমা ছই পাংশে অপরূপ ।
 নাহি কোনো লোক, নাহিক প্রহরী, নাহি হেরি দাস দাসী ।
 গুহাগৃহতলে তিলেক শব্দ হয়ে উঠে রাশি রাশি ।
 নীরবে রমণী আবৃত বদনে বসিলা শয্যাপরে,
 অঙ্গুলি তুলি ইঙ্গিত করি' পাংশে বসাইল মোবে ।
 হিম হয়ে এল সর্ব শরীর শিহরি উঠিল প্রাণ ;—
 শোণিত প্রবাহে ধ্বনিতে লাগিল ভয়ের ভীষণ তান ।

সহসা বাজিয়া বাজিয়া উঠিল দশ দিকে বীণা বেণু,
 মাথার উপরে ঝরিয়া ঝরিয়া পড়িল পুষ্প রেণু ।
 দ্বিগুণ আভায় অলিয়া উঠিল দীপের আলোক রাশি,—
 ঘোমটা ভিতরে হাসিল রমণী মধুব উচ্চ হাসি ।
 সে হাসি ধ্বনিয়া ধ্বনিয়া উঠিল বিজন বিপুল ঘরে,—
 গুনিয়া চমকি ব্যাকুল হৃদয়ে কহিলাম যোড় করে,—
 “আমি যে বিদেশী অতিথি, আমায় ব্যথিয়ে না পরিহাসে,
 কে তুমি নিদয় নীরব ললনা কোথায় আনিলে দাসে” !

অমনি রমণী কনক দণ্ড আঘাত করিল ভূমে,
 আঁধার হইয়া গেল সে ভবন রাশি রাশি ধূপ ধূমে ।

বাজিয়া উঠিল শতেক শঙ্খ হুন্ কলরব সাথে,—
 প্রবেশ করিল বৃদ্ধ বিপ্র ধাত্ত দুর্বা হাতে ।
 পশ্চাতে তার বাঁধি জুই সার কিস্যাত নারীর দল
 কেহ বহে মালা, কেহবা চামর, কেহ বা তীর্থ জল ।
 নীরবে সকলে দাঁড়ায়ে রহিল,—বৃদ্ধ আসনে বসি
 নীরবে গণনা করিতে লাগিল গৃহতলে খড়ি কসি' ।
 আঁকিতে লাগিল কত না চক্র, কত না রেখার জাল,
 গণনার শেষে কহিল, “এখন হয়েছে লগ্ন কাল !”
 শয়ন ছাড়িয়া উঠিলা রমণী বদন করিয়া নত,
 আমিও উঠিয়া দাঁড়াইলু পাশে মস্ত্র চালিত মত !
 নারীগণ সবে ঘেরিয়া দাঁড়াল একটি কথা না বলি,
 দৈর্ঘ্যাকার মাথে ফুলদল সাথে বরষি লাজাজলি ।
 পুরোহিত শুধু মস্ত্র পড়িল আশিস করিয়া দৌহে,—
 কি ভাষা কি কথা কিছু না বুঝিলু, দাঁড়ায়ে রছিছু মোহে ।
 অজানিত বধু নীরবে সঁপিল—শিহরিয়া কলেবর—
 হিমের মতন মোর করে, তার তপ্ত কোমল কর ।
 চলি গেল ধীরে বৃদ্ধ বিপ্র ;—পশ্চাতে বাঁধি সার
 গেল নারীদল মাথায় কক্ষে মঙ্গল-উপচার ।
 শুধু এক সখী দেখাইল পথ হাতে লয়ে দীপখানি,—
 মোরা দৌহে পিছে চলিলু তাহার, কারো মুখে নাহি বাণী !

কত না দীর্ঘ আঁধার কক্ষ সভয়ে হইয়া পায়
 সহসা দেখিছ সমুখে কোথায় খুলে গেল এক দ্বার ।
 কি দেখিছ ঘরে কেমনে কহিব হয়ে যায় মনোভুল,
 নানা বরণের আলোক সেথায়, নানা বরণের ফুল ।
 কনকে রজতে রতনে জড়িত বসন বিছানো কত !
 মণি বেদিকায় কুসুম শয়ন স্বপ্ন-রচিত মত ।
 পাদপীঠ পরে চরণ প্রসারি' শয়নে বসিলা বধু—
 আমি কহিলাম—“সব দেখিলাম, তোমাতে দেখিনি শুধু” !

চারিদিক হতে বাজিয়া উঠিল শত কোতুক হাসি !
 শত ফোয়াবায় উছসিল যেন পরিহাস রাশি রাশি ।
 স্তবীরে রমণী ছবাত তুলিয়া,—অবগুণ্ঠন থানি
 উঠায়ে ধরিয়া মধুব হাসিল মুখে না কহিয়া বাদী ।
 চকিত নয়ানে হেরি মুখপানে পড়িছ চরণ তলে—
 “এখানেও তুমি জীবন দেবতা” ! কহিছ নয়ন জলে !
 সেই মধুমুখ, সেই মৃহাসি সেই স্খাভরা আঁখি,—
 চির দিন মোরে হাসাল কাঁদাল, চির দিন দিল ফাঁকি !
 খেলা করিয়াছে নিশি দিন মোর সব স্তখে সব ছখে.
 এ অজানাপুরে দেখা দিল পুন সেই পরিচিত মুখে ।

অমল কোমল চরণ, কমলে চুমিছু বেদনাভরে—

বাধা না মানিয়া ব্যাকুল অশ্রু পড়িতে লাগিল ঝরে' ;—

অপরূপ তানে ব্যথা দিয়ে প্রাণে বাজিতে লাগিল বাঁশি।

বিজন বিপুল ভবনে রমণী হাসিতে লাগিল হাসি !

২০ শে ফাল্গুন,

১৩০২।

সম্পূর্ণ।